

增定萬氏濟世良方序



元叔萬君天上將星入海身而
金縷在擁玉帳高懸怒腹多珠
誰沉有斯無語滿口掛古刀
神符長樂山頭演黃公之秘術

北環淮水東帶滄溟弓開霹靂
之聲涼感風於碧海動合陰陽
之色扶斗極於青霄輝星每駕
丁戊操左豚梁園焦不擊燹庚
絕乎嗚呼於且或過為閑校鐘

不置叢祇林在書考軸輯王父

清一編善以書刻布者幸活

人無異教書既久殊多積善

嗟嗟對白無人空抱出碑之想業

已重加翻播更益見聞余既刻

劇於建隆公後披觀於福壽原
增脈訣藥性論後症癰方之幾
味長至色紫如之與一丸清息
披子病之奇以周禮之十宣堂
整詞之九折聖之肘後皆藥圃

之靈苗取之目亦恍叢林之思
州雍祀之箫聲如在業心之鼓
韻於傳能馴波底之鯨更走針
中之懶道實交污機本相將未
病而防即師子之試也已危而

援非羽肅之揮與補子之值越
人長生妙道季梁之遇西氏久
視飛僊內籍森籙以取六激之
技中經腫列寧資之葉之花斯
仁孝之格之抑聰明而達化仁

人之後弥熾弥昌先達之道

以以續系瓊之之通談傳之無

窮如葉之之孤芳垂之不朽之

日麒麟閣上正寫丹書他年考

室羣中并傳黃白却嗤鍊形鍊

色真是壽國壽民余不佞幸托
素梓下鄉矧同草木之味醉我
暮曠以并簡端為其不文所不
計矣 時

萬曆己酉暮春吉旦

賜進士出身通奉大夫奉

勅整飭建南兵備福建等處承宣
布政使司右布政使兼按察司
副使前奉

勅提督八閩學校禮部精膳清吏

司郎中吳興祥永甫沈傲煥書
於建南公署之換化齋



題萬氏家抄濟世良方首簡

參帥萬君之開府東甌也出其先
總鎮公所輯方書遺予予受而卒
業則見其剖析疑似劈肌分理病
萬狀方亦萬變犁然淵然書行自
其先公時迄今歲久而前是操方

司郎中吳興拜永甫沈傲恧書
於達南公署之撫化齋



題萬氏家抄濟世良方首簡

參帥萬君之開府東甌也出其先
總鎮公所輯方書遺予予受而卒
業則見其剖析疑似劈肌分理病
萬狀方亦萬變犁然淵然書行自
其先公時迄今歲久而前是操乃

筆者有遺工將落漫漶予謂君其
能更命剗刷氏以廣大先公之惠
乎萬君欣然俞諾會予行邁還越
材官持函來謂已翻梨告成事矣
不肖不敢晦蝕先公之遺惟君言
其光昭之予惟君家前後爲疆場

重臣摩崖橫海之勲爛焉况是書
一再流布慶澤宏衍胡可勝原將
無庸予言第竊觀傳記所載殷淵
源事則嘆人之度量何相越也傳
稱淵源妙解方術至不拒廝卒採
療其母可謂仁愛不矜矣而因是

悉燬禁書何哉夫方技非小物爾
軒岐溯源俞扁疏流王官之守于
是焉在太上原病及國緣詠譽政
迺天壤中濕燥戾宜風露不戒伐
性蕩神種種非乏彼其之倫繫命
呼吸儻非古之人焦精於嘗草而

洞觀於隔垣則含生寔庶壽人幾
何淵源僅試其奇而忍使先喆奧
藏泯剝不章何狹也君先公蒐輯
是編不私為奚囊之秘嘉與憑生
共躋壽域而君又闡揚而光大之
參酌玄微網羅今故簡而核森而

有要斯繩武之烈而錫類之所圖
耶夫郭丞鍼砭之捷元化滌洗之
奇厥術既驗世亡神工雖十全七
八如周官所品次醫不少概見萬
君重布是編遍宇內惠明智之師
自是可剖鍼鋒而折蠱首彼衆醫
能循習之審候尋原按籍投劑當
不至瘡為劇而生為死自今所全
活吾安量矣佛氏謂度老病死為
大醫王其說玄冥無裨衆生若君
家功德及人金蓮寶筏其為醫王
寧有執玉相雄長者乎叅帥今聲

實休茂武威宣暢方將殲夷靖虜
以建徹侯之業予茲不具論惟論
君與總鎮公博愛之意令君將十
萬甲兵盡馘波臣紓

廟堂東南之慮以方茲刻功代在齊
晉之間何乃言殷生哉

萬曆辛丑長至日

賜進士第出身大中大夫浙江布政
使司右叅政前禮部祠祭司郎中
奉

勅提督學校浙江按察司副使溫陵
洪啓睿撰

刻萬氏家抄濟世良方序

蓋聞天地以生物為心仁人之所以
溥解澤神明之所以昭顯佑皆是物
也慨厥生民莫不湯陰陽之和以林
總于世而遭遇不齊戕賊百出故有
蠻夷猾夏寇盜奸宄日恣其凌厲搏



噬之性以斬伐虔劉而魚肉不休即
安處于堯天舜日之下嬉恬于耕田
鑿井之世而內牿于七情外侵于六
診又以疾病成愁苦而不勝其天閼
媒媿之患天地神明有同戚焉自非
仁人握勝筭著方書以安集而生全
之欲以躋世仁壽而登之春臺也其
道無由叅戎瑞巖萬公式奉

簡命都護甌江運籌決勝不遺餘力
雖仁以奮勇武而不殺而一聞小警
即嚴號令整部伍躬擐甲冑身先偏
裨衝濤追滅而後朝食由是威名震

懾島夷潛踪大海以東晏如也乃于
菟芟之暇又取令太父總鎮公所刻
家抄醫方加意披繙益以經驗諸方
增以脉訣藥性二篇合先今共六卷
以登諸梓而舊題不易焉夫祖刻行
世已久活人甚多今且再更賢孫之
手細加抽尋醫明三世何見不透心
竭三傳何微不晰余以是知是刻之
方論詳而應病愈周也以是知是刻
之選集要而取效愈神也書成公以
質之箕仙而呂韻五章暢然嘉其世
澤之遠而炯然必其獲報之隆噫萬

公滿腔惻隱觸處流行既設奇決策
蕩滌海氛以脫民于鋒鏑而又繩祖
廣集梓布宇內使一切陰陽諸患不
能為人世害公之仁深且弘矣積仁
累行神且申祐即日上續祖光建牙
開府用樹掀揭洪業固公餘事且見
仁人之後益傳而益昌大也余愧不
文因敘諸首簡以為後日左券此非
能以臆必仁人也能以天地神明常
理必之而已矣為叙

萬曆壬寅八月一日吉旦

萬安朱道相佐卿父撰

萬氏家抄濟世良方卷一

目錄

中風

厥附手足麻木

痛風

附濕痺鶴膝風

脚氣

附足跟痛轉筋

厲風

附紫雲風血風瘡

頭痛

附眉稜骨痛

中寒

傷寒

附傷風

瘟疫

山嵐瘴氣

暑

附注夏

濕

霍亂

瀉

痢

五五
神本

神本
神本

萬氏家抄濟世良方卷一目錄終

萬氏家抄濟世良方卷一



提督漕運鎮守淮安地方總兵官都督四明萬表選集
分守廣東廣州等處地方督理海防叅將男達甫校訂
鎮守福建并浙江金温地方總兵官都督孫邦孚增補
中風

大率主血虛有痰或挾火與濕當以治痰為先次養血行血
又須分氣虛血虛脉浮遲者可治大數而極者難治中腑者
面顯五色有表證而脉浮惡風惡寒拘急不仁其病淺多易
治中臟者唇吻不收舌不轉而失音鼻不聞香臭耳聾而眼
督大小便秘結或眼直視搖頭口開手撒遺溺痰如拽鋸鼻

軒其病深多不治中腑者宜汗中臟者宜下汗下不宜太過
汗多則亡陽下多則亡陰治風之法初得即當順氣日久則
當活血此萬古不易之理也

稀涎散 治卒中風昏昏若醉形體昏悶四肢不收或倒或
不倒微有涎出斯瀕不治便為大病故必傷人若胸膈痞
氣不通此乃風涎湧于上也用猪牙皂角肥實不蛀者四
挺削去黑皮瑩淨明礬一兩二味同搗為散如有患者可
服半錢重者三錢溫水調灌下不大吐嘔只是微微稀冷
涎出或一升或二升當時甦醒緩緩調治不可大吐恐傷
人命

搐鼻方 治中風重而口禁者用藜蘆少許加射灌入鼻內
吐之一吐不已再吐之亦有不可吐者虛甚故也

通關散 治卒中風邪昏悶不醒牙關緊急湯水不下

細辛 洗去土葉 猪牙皂角 去核各一兩

右為極細末每用少許搐入鼻內取嚏就提頭頂髮直甦
候有噴嚏漸可施治無嚏不治或急以生半夏末吹入鼻
中亦可

祛涎散 治卒中風不省人事多因痰壅所致

白礬 二錢生為末

右以姜汁調斡開口灌之其痰涎或吐或化下便甦

初昏倒急搯人中至醒方用痰藥又須分血虛氣虛而治

紫金錠 治中風中氣口眼喎斜言語蹇澀或口禁牙關緊

急筋脉攣縮骨節風腫手脚疼痛行步艱辛應是風氣疼

痛並用酒磨下甚効方見痰門

捉虎丹 治初中風不省人事牙關不開研二丸酒調灌下

立醒方見痛風門

滋血勝金丸 治左癱血虛

當歸半斤 川芎四兩 附子二錢 生地二錢

南星二錢 姜二錢 甘草一兩 白朮半斤 人參三兩

右為末酒糊丸桐子大每服五十九酒下

竹瀝四物湯 治半身不遂在左屬血虛者

川芎 當歸 芍藥 熟地俱用姜汁炒 竹瀝

水二鍾煎八分通口服

竹瀝二陳湯 治半身不遂在右屬氣虛挾痰者

陳皮 半夏 茯苓 甘草 白朮 人參

竹瀝 姜汁

水二鍾姜三片煎八分通口服若氣實能食者用荆瀝

參芪湯 治氣虛卒然倒仆者或遺尿者虛風

人參 黃芪

濃煎服挾痰仍加竹瀝姜汁若肥白人多濕可加附子行

經用附必以童便煮過聲如鼙者亦屬氣虛
姜製四物湯 治血虛卒中者

川芎 當歸 芍藥 熟地

俱用姜汁炒水煎服有痰加痰藥仍加竹瀝姜汁瘦人多
陰虛火熱加牛膝黃芩黃柏筋枯者舉動便痛是無血不
能養其筋也亦用之

有因受氣而中者身冷無痰是也用姜湯調蘇合香丸灌之
輕者用烏藥順氣散○有因停食而厥者必胃中滿悶○
有夏月卒倒為暑風此類中風病見于夏者○有因火者
內火外火合而炎燥劉守真作將息失宜一水不勝二火

也○有因痰者暑氣激搏痰塞碍心竅也 已上四者皆
用鹽湯吐之俱候吐醒後用調理藥隨症治之

婦人產後中風口禁手足痲痺如角弓狀亦治血暈

荊芥炒末每服三錢豆淋酒下童便亦可

如中腑者當隨症發其表如兼中臟則大便多秘澁宜以三

化湯通其滯

小續命湯

麻黃去節 人參 黃芩 芍藥 川芎 防已

甘草炙 杏仁泡去尖 桂 各一兩 防風一兩 附子炮去皮臍

每服五錢水鍾半姜五片棗一枚煎溫服取微汗隨人虛

實與所中輕重加減于後○熱者去附子入白附子或加
秦艽半錢亦可筋急拘攣語遲脉弦加薏苡仁○筋急加
人參去黃芩芍藥以避中寒服後稍輕再加當歸○煩躁
不大便去附桂倍加芍藥竹瀝如大便三五日不去胃中
不快加枳殼大黃○言語蹇澀手足顫掉加菖蒲竹瀝○
發渴亦去附子加麥門冬葛根瓜蒌根○身體痛加羌活
獨活亦如之○煩燥多驚加犀角羚羊角○汗多去麻黃
○恍惚語錯加茯神遠志各半錢不睡加酸棗仁半錢○
人虛無力去麻黃加人參如其數

纂要白無汗惡寒倍加麻黃防風杏仁名麻黃續命湯有

汗惡風倍加桂枝芍藥杏仁名桂枝續命湯有汗身熱不
惡風倍加桂枝黃芩外加葛根二兩名葛根續命湯無汗
身涼倍加附子并甘草三兩外加乾姜二兩名附子續命
湯有汗無熱倍加桂附甘草亦名桂枝續命湯

一方治中風不能言而脉沉非大補不可用防風黃芪煎湯
數斛置床下湯氣薰蒸滿室如霧使口鼻俱受之便得語
蓋人之口通乎地鼻通乎天口以養陰鼻以養陽天主清
故鼻不受有形而受無形地主濁故口受有形而兼乎無
形也

藿香正氣散 主中氣中惡尋常吐嘔亦可用方見寒明

三化湯 外有六經形證先以加減續命湯治之若內有便溺阻隔以此湯主之

厚朴 大黃 枳實 羌活 各等分

每服三兩水煎服以利為度

小省風湯 痰盛者與導痰湯相合煎服導痰湯見痰門

防風 南星生各四兩半夏浸米泔黃芩 甘草生各二兩

每服四錢姜十片水煎服

八味順氣散 中風後稍醒則服之

白朮 白茯苓 青皮 白芷 陳皮 去白

台烏 人參 各一兩

每服五錢水鍾半煎七分溫服仍以酒化蘇合丸間服

烏藥順氣散

麻黃 陳皮 台烏各二兩白僵蚕炒川芎

枳殼炒 甘草炙 白芷 桔梗各一兩 乾姜炮半兩

右為末每服三錢水二盞姜三片棗一枚煎服治風先理

氣氣順則痰消後理其風庶可收効理氣者氣滯氣鬱肩

膊麻痛之類此七情也皆宜服之

大秦芎湯 治中風外無六經形證內無便溺阻隔止因血

弱不能養筋故手足不能動舌強不能語宜養血而筋自

秦芎 石膏各二兩 甘草 川芎 當歸 羌活

白芍藥 防風 黃芩 白芷 白朮 生芩

熟苧 茯苓 獨活各一兩 細辛半兩 春夏加知母一兩

每服一兩水煎服如遇天陰加生姜七片心下痞加枳實一錢理血自無表裏之患血弱舉發不時者用之

羌活愈風湯 中風證內邪已除外邪已盡當服此藥以行

導諸經久服大風悉去縱有微邪只從此藥加減治之然

治病之法不可失于通塞或一氣之微汗或一旬之通利

如此乃常治之法也久則清濁自分榮衛自和如初覺風

動服此不至倒仆

羌活 甘草炙 防風 防已 黃芪 川芎

蔓荊子 獨活 細辛 枳殼 麻黃去根 人參

地骨皮 知母 甘菊 薄荷去梗 白芷 當歸

杜仲炒 枸杞子 秦朮 柴胡 半夏 前胡

厚朴姜製 熟苧各二兩 白茯苓 黃芩各三兩 生地 蒼朮

石膏 芍藥各四兩 桂一兩

右剉每服一兩水二鍾姜三片煎去滓服空心一服吞下

二丹丸為之重劑臨卧一服吞下四白丹為之輕劑其法

是動以安神靜以清肺假令一氣之微汗用愈風湯三兩

加麻黃一兩勻作四服加生姜五片空心服以熱粥投之

得微汗則佳○如一旬之通利用愈風湯三兩加大黃一

兩亦勻作四服如前煎臨卧服得利為度此藥常服之不
可失四時之輔○如望春大寒後加半夏人參柴胡各二
兩通前四兩謂迎而奪少陽之氣也○如望夏穀雨後加
石膏黃芩知母各二兩謂迎而奪陽明之氣也季夏之月
加防已白朮茯苓各二兩謂勝脾土之濕也○初秋大暑
後加厚朴二兩藿香一兩桂一兩謂迎而奪太陰之氣也
○望冬霜降後加附子官桂各一兩當歸二兩謂勝少陰
之氣也○無使五臟偏勝太過與不及不動于榮衛如風
閉服之永不結燥此藥與天麻丸相表裏治未病之聖藥
也若已病更宜常服老幼驚癇搐搦急慢驚風四時傷寒
等病服之俱效

四白丹 能清肺氣養魄謂中風者多昏冒氣不清利也

白朮 砂仁 白茯苓 香附 防風 川芎

甘草 人參各五錢 白芷一兩 羌活各二錢半 藿香

白檀香各一錢五分 知母 細辛各二錢 甜竹葉二兩

薄荷二錢半 麝香二錢 龍腦另研 牛黃各半錢

右為末煉蜜丸每兩作十丸臨卧嚼一丸分五七次細嚼
之煎愈風湯嚥下能上清肺氣下強骨髓

二丹丸 治健忘養神定志和血內以安神外華腠理

丹參 天門冬 熟地各一兩半 甘草炙 麥門冬 人參

遠志去心 菖蒲錢 五茯苓一兩

右為末煉蜜丸桐子大硃砂五錢為衣每服五十九至百丸空心食前煎愈風湯送下

天麻丸 治風因熱生熱勝則動宜以靜勝其燥是養血也

天麻 牛膝 葶藶另研 玄參各六 生地一斤

杜仲炒去絲七兩 附子炮一兩 羌活十四兩 川歸十兩

一方有獨活去腎間分風

右為末蜜丸桐子大每服五七十九空心溫湯白酒皆可

愈風丹 治諸般風証偏正頭痛

防風通聖散四物湯黃連解毒湯各一料加

羌活 何首烏 細辛 菊花 天麻 獨活

薄荷各一兩

右為末煉蜜丸彈子大每服一九細嚼茶清下不拘時防

風通聖散方見癩疹門 黃連解毒湯方見火門

菴簽丸 治中風口眼喎斜時吐痰涎語言蹇澁四肢緩弱

骨節疼痛腰膝無力亦能行大腸氣治三十五般風常服

此丸必効

菴簽草 此草處處有之俗呼為火杵草其葉對節而生

葉似蒼耳用五月五日七月七日九月九日收採洗去土

摘其葉不拘多少曝乾鋪入甌中用好酒和蜜層層勻洒

蒸之後晒如此九次為末煉蜜丸如桐子大每服四十九
或五十九空心無灰酒下

神効活絡丹 治風濕諸痺肩臂腰膝筋骨疼痛口眼喎斜

半身不遂行步艱難筋脉拘攣能清心明目寬隔宣通氣
血年逾四十預服十數丸至老不生風疾年逾六十者不

宜服

白花蛇二兩酒浸
焙乾

烏梢蛇半兩酒浸
焙乾

麻黃 二兩去節

細辛一兩去土 全蝎 一兩半去毒

川芎 二兩 赤芍藥 一兩

兩頭尖 二兩酒浸

防風二兩半 葛根 一兩半 血竭七錢五分
另研

沒藥一兩另研 硃砂一兩另研 犀角兩半 地龍半兩去土 丁香 去枝

甘草 二兩去皮炙

乳香一兩另研 麝香半兩另研 白僵蚕 一兩炒

草豆蔻 二兩

羌活 二兩 片腦 一錢半另研

玄參 一兩 牛黃 二錢半另研

官桂 二兩去粗皮

天麻 二兩 天竺黃 一兩

虎胫骨 一兩酥炙

藿香二兩去土 人參 一兩 威靈仙 一兩半酒浸 何首烏 一兩

白芷 二兩 敗龜板 一兩酥炙 烏藥 一兩 安息香 一兩

黑附子 一兩去皮炮 青皮 一兩 香附 一兩 白芷蔻 一兩

骨碎補 一兩 黃連 二兩 熟地黃二兩 茯苓 一兩

黃芩 二兩 松香脂兩半 白朮 一兩 大黃 二兩 當歸 一兩半

木香 二兩 沉香 一兩 金箔 為衣

右為細末煉蜜丸如彈子大每服一九細嚼溫酒茶清潤下隨証上下食前後服以四物湯煎服之尤妙頭風搐下史國公萬病無憂藥酒方專治風疾半身偏枯手足拘攣不堪行步若飲一升便手能梳頭服二升足能屈伸有力服三升言語舒暢行步如故服四升肢體通暖百節逐和舉步如飛其効如神

防風去蘆二兩治四肢骨節疼痛渾身拘急

秦艽去蘆二兩治四肢拘急言語蹇澁

當歸三兩補血生血

草薢三兩酥炙治骨節疼痛

羌活三兩治風濕骨節疼痛

鱉甲二兩九筋者佳治癰瘰

川牛膝去蘆二兩治手麻痺腰膝疼痛補精行血

虎胫骨二兩酥炙退骨節中毒壯筋骨

白朮去蘆二兩

油松節二兩槌碎壯筋節

杜仲三兩姜汁拌炒去絲

晚蚕沙三兩炒黃色治癰瘰百節不遂皮肉頑麻

蒼耳子四兩槌碎去風濕骨節頑麻

枸杞子五兩炒治五臟風邪補肝腎明目

乾茄根八兩飯上蒸熟治諸毒氣風濕在諸骨節不能屈伸

右咬咀盛布袋中入大罈內下好酒三十五斤封口浸十

四日滿將罈入鍋懸煮一時取起入土內埋三日去火毒

每日清晨午後各服五七鍾大有補益此酒衰年染患者

尤宜

驚氣丸 治驚憂積氣兼受風邪發則牙關緊急流涎朝昏

暮醒精神若癡

附子煨 南木香 白僵蚕 花蛇 陳皮 天麻

麻黃各五錢 乾竭一錢洗炙 紫蘇子一兩 南星五錢姜汁製

硃砂一錢 冰片五分 麝香五分

為極細末煉蜜丸龍眼大金箔為衣金銀薄荷湯下

搜風順氣丸 治三十六種風七十二般氣上熱下冷腰腿

疼痛四肢無力惡瘡下注風氣脚氣一應老幼男婦年高

氣弱並宜常服順三焦和五臟潤腸胃除風濕

大黃五兩用酒洗過蒸黑色 麻仁微炒剉去殼取仁二兩 山藥淨二兩

山茱萸酒蒸浸去核二兩 郁李仁湯炮去皮二兩 獨活二兩

兔絲子淘淨酒煮爛為餅乾二兩 牛膝酒浸晒乾淨二兩 檳榔二兩

枳殼去穰熨皮炒二兩 車前子酒浸二兩半

右為末煉蜜丸如桐子大每服三五丸茶酒任意下百

無所忌平旦臨卧各一服服之宿醒盡消百病不生久服

精神強健大能補精注顏踈風順氣亦治腸風便血若大

便秘實尤宜

石菖蒲酒 用菖蒲三斤薄切日內曬乾以絹囊盛之用好

酒一罈懸此菖蒲在內閉封一百日取視之如綠菜色以

一斗熟黍米納中封十四日開出飲酒則一切三十六種

風不能治者悉効

千金神草方 專治風濕癱瘓手足不仁半身不遂週身麻

木或酸疼口眼歪斜並皆神効

用草麻子草一種秋夏用葉春冬用子俱得一二十斤入木甑內置大鍋上蒸半熟取起先將綿布數尺雙摺浸入蒸葉子湯內取出淋洗患處却將前葉子熱鋪布上一層候溫再換熱葉子一層如此蒸換必以患者汗出為度重者蒸五次輕者蒸三次其病即愈內以疎風活血劑服之

針法

無汗惡寒宜針至陰足小指外側爪甲角針二分出血崑崙足外踝後跟骨舉蹻○有汗惡風宜針風府項後入髮際一寸針三分禁灸上二証皆太陽經中風也○有汗

熱不惡風宜針陷谷足大指次指去爪甲如韭葉瀉陽明之實上二証皆陽明經中風也○無汗身涼宜刺隱白足大指內側爪甲角去太陰之賊此太陰經中風也○有汗無熱宜針太谿足內踝後跟骨上陷中動脈應手針透崑崙崙此少陰經中風也

古之續命混淆無六證之別今各分經治療又分鍼刺法厥陰之井大敦足大指甲後一韭葉聚毛間刺以通其經少陽之經絕骨外踝上三寸灸五壯灸以引其熱是鍼灸同象法治之大體

灸法

灸風池百會曲池合谷風市絕骨環跳肩髃三里等穴皆
灸之以鑿竅踈風一人患帶下一夕昏仆目上視溲注汗
泄脉大無倫此陰虛陽暴絕也蓋得之病後酒色急灸氣
海穴在臍下一寸半漸甦服人參膏數斤而愈

又法中風六脉微遲手足厥冷痰雍盛聲如鋸者於丹田
氣海二穴多灸之又有於臍中一穴名神闕穴先用細鹽
填入加艾炷灸至百壯即甦多灸更妙其口眼歪斜者如
歪向右是左邊脉中風而緩也宜灸左喎陷中二七壯歪
向左是右邊脉中風而緩也宜灸右喎陷中二七壯艾炷
只如麥粒大又有於耳垂下灸三壯即轉左灸右右灸左

又肩冷生風中風人臂骨脫臼不與肩相連接多有醫治
不痊者要之纔覺肩上冷疼必先灸肩髃環跳二穴肩髃
在肩端兩骨間陷中舉臂取之有陷處是灸七壯風盛者
二七壯環跳在髀樞碾子骨後宛宛中側卧膝上足伸下
足取之灸五十壯

厥附手足麻木

厥者逆也手足因陰陽不相接逆而冷也因氣虛血虛者多
有陽厥有陰厥陽衰于下則寒陰衰于下則熱陰厥者身涼
不渴脉遲細而微陽厥者煩渴譫妄身熱而脉數
瓜蒂散吐之口噤者或先用搐鼻藥

瓜蒂炒

赤小豆 各等分

右為末用香豉一合水二盞煮作稀粥去渣取三分之一和末一錢頓服之不吐少加之得快乃止

氣厥用蘇合香丸身冷者是或八味順氣散亦可防見中風

痰厥脉弦用玉樞丹或牛黃丸或用白木竹瀝

又方用大半夏三十箇巴莖二十箇為末丸如莖大硃砂為衣每服一九姜湯下

寒痰迷悶四肢厥冷者是用姜附湯方見中寒門

氣虛厥脉細者是用四君子湯

血虛厥脉大如葱管者是用四物湯

寒厥脉沉微者是用理中湯方見中寒門

熱厥脉數大者是用承氣湯方見傷寒門

暑厥腹滿身重自汗脉沉滑者是用白虎湯方見于後

石膏

知母

甘草

糯米

各等分水煎服

虵厥胃寒所生宜理中湯加炒川椒五粒檳榔半錢吞烏梅

丸方見心脾痛門

尸厥此中惡之候因冒犯不正之氣忽然手足逆冷頭面青

黑不省人事妄語口噤宜蘇合香丸灌之候稍醒用調氣

平胃散方見于後

白荳蔻

丁香

檀香

木香

各二錢藿香

甘草 絡八砂仁 四錢 蒼朮 八錢 厚朴 五錢 陳皮 五錢
右為末 每服二錢 姜棗煎湯 入鹽少許 點服

灸百會穴 四十九壯 臍下氣海 丹田三百壯 身溫乃止 又
方用附子七錢 童便泡熟 去皮臍為末 分作二服用酒三
盞煎一盞服 如無附子 用生姜自然汁半盞 酒一盞同煎
令百沸 併灌二服 仍照前灸

四神散 治麻木并癩

蒼耳 草烏 針砂各四兩 耳遂 二兩

右為末 每五錢 葱白搗汁和成餅 約經一寸半 貼在患處
手足心上 絹帛纏定 用麻黃煎湯 將貼藥手足浸湯

內待滿身麻木出汗為度 半月再一次 神效

補氣湯 治皮膚間麻木如虫行 此肝氣不行也

黃芪 甘草各一芍藥 橘皮各兩澤瀉 五錢

右咬咀 每服一兩水 二鍾煎一鍾 不拘時服

手足麻者 屬氣虛 手足麻木者 有濕痰 死血 十指麻木
是胃中有濕痰 死血

痛風 附濕痺鶴膝風

四肢百節走痛者 是也 他方謂之白虎歷節風 有痰有風熱
有風濕有血虛 又有痺病相類 行痺即走 注疼痛 痺即痛
風着痺即麻木不仁

治方

陳皮 半夏 茯苓 甘草 黃芩酒炒 蒼朮

羌活 白芷 川芎 當歸 香附

水二鍾煎八分通口服在臂加薄桂威靈仙在腿加牛膝防已肥人因痰者加南星瘦人血虛者加黃柏生地芍藥濕者加白朮肢節腫痛脉溢數者是瘀血加桃仁紅花當歸川芎及大黃微利之因於風者小續命湯

二妙散 治筋骨疼痛因濕熱者

黃柏炒 蒼朮米泔浸炒

右為末沸湯入姜汁調服二物皆有雄壯之氣表實氣實

者加酒少許氣虛加補氣藥血虛加補血藥痛甚加生薑汁熱服

捉虎丸 治一切風疾走注疼痛手足癱瘓麻木不仁及白

虎歷節等風

麝香二錢 好真墨燒烟盡一錢 乳香 當歸酒洗晒乾

沒藥各七錢 白膠香另研 草烏去皮 地龍去土

木鱉子去油 五靈脂各一兩半

右為末和勻用糯米糊丸如鷄頭實大每服一九溫酒化下遠年近日寒濕脚氣臨發時空心服一九脚面黑汗出為効

神仙外應膏 治筋骨疼痛手足拘攣

川烏一斤為細末用隔年陳醋入砂鍋內慢火熬如醬色
敷患處如病有一年者敷後一日發痒痒時令人將手拍
以不痒為度先用升麻皮硝生姜煎湯洗患處然後上藥
不可見風

當歸拈痛湯 治風濕為病肢節煩痛肩背沉重胸膈不和
及遍身疼痛流注手足脛腫痛不可忍

羌活 甘草灸 黃芩酒炒 茵陳酒製 人參 防風

升麻 苦參 葛根 蒼朮泔水浸炒 知母 茯苓

當歸用身酒洗 澤瀉 猪苓 白朮

水二鍾煎一鍾不拘時溫服

蒼耳膏 治寒濕風症舒筋活血

用蒼朮五斤米泔浸三日去外粗皮較片同蒼耳草搗碎

用水煎取濃汁去渣熬膏後入蜜一斤再滾數沸收磁器內

當歸二兩 川芎 芍藥 熟地黄 防風各一兩

白朮二兩 羌活五錢

右為末用前膏和成丸如桐子大空心溫酒下五十九丸如

下部病重加牛膝木瓜各一兩

通氣防風散 治肩背痛不可回顧脊痛項強腰似折項似

拔此是太陽經氣鬱不通也以本經藥散之

羌活

獨活各一錢 藁本

防風

甘草各五分

川芎

蔓荊子各三錢

水二鍾煎八分通口服

木瓜

凡治風濕客搏手足腰膝不能舉動

木瓜一枚去穰皮開竅填吳茱萸一兩線繫定蒸熟研爛

入鹽半兩研勻糊丸桐子大每服四十九茶酒下

治走注風脚膝痛

穿山甲

醋炙五錢

乳香

二錢

沒藥

三錢

威靈仙

三錢

防風

二錢

獨活

三錢

羌活

二錢

白芷

三錢

牛膝

二錢 酒洗

當歸

三錢

酒洗

川芎

二錢

甘松

三錢

丹皮

二錢

五靈脂

醋炒二錢

辛夷

一錢

大茴香

一錢五分

小茴香

三錢

川椒

一錢

上茯苓

四兩忌鐵器

右為末好酒三盞燒酒一碗麻油一兩入麵和勻入藥

調成膏貼患處

療風濕氣臂脚痛痺

水紅花

并枝葉即水蓼也

桑葉

不拘多少随意煎湯淋洗不可先濕指甲令出氣

虎骨酒

治諸風緩弱及歷節風骨節酸疼

虎胫骨

酒炙黃槌研如米

右每骨一升以酒三升浸五日空心服一次

治鷄爪風手足指鸞束疼痛者是

灸左右膝骨兩傍小窩共四穴各三壯

潜行散 治腰半已下濕熱注痛

黃栢酒浸為末入湯藥調服

治筋攣縮瘵脚膝筋急痛蜜煮木瓜爛研裹痛處冷即易一

夜四五度熱透即瘥入酒同煮

薏苡仁湯 治筋急拘攣不可屈伸久風濕痺神效

薏苡仁一升搗末以水二升煮二時作粥空腹食之

養血壯筋湯 治鶴膝風腿膝不能行動

當歸 白芍 熟地黄 白朮 木瓜

牛膝 知母 陳皮 白茯苓

水二鍾煎服喫藥後加好酒一盃立効

騏驎血竭膏 治濕氣疼痛并損傷亦治瘡毒

松香 明淨者四斤 葱汁一斤 姜汁一斤 燒酒一斤

米醋一斤

共入松香煮乾每松香一斤下桐油四兩若夏天止用三

兩五錢攪勻傾入水內拔千餘下仍入鍋中化開每斤下

黃占二兩礬紅四兩再煎一茶時攪勻又傾入水中拔千

餘下收貯用時加乳香沒藥

萬應膏 治一切風氣寒濕手足拘攣骨節酸疼男子痞積

女人血瘕及腰疼脇疼諸般疼痛結核轉筋頑癩頑瘡積

年不愈腫毒初發楊梅腫塊未破者俱貼患處肚腹疼痛
瀉痢瘡疾俱貼臍上痢白而寒者尤效咳嗽哮喘受寒惡
心胸膈脹悶婦人男子面色痿黃脾胃等症及心疼俱貼
前心負重傷力渾身拘痛者貼後心與腰眼諸疝小腸氣
等証貼臍下治無不効

木香 川芎 牛膝 生地 細辛 白芷

秦艽 歸尾 枳殼 獨活 防風 羌活

大楓子 黃岑 南星 草麻子 半夏 蒼朮

貝母 赤芍藥 杏仁 白斂 茅香 艾葉

兩頭尖 連翹 川烏 茸草節 肉桂 良姜

續斷 威靈仙 荆芥 藁本 丁香 丁香

金銀花 藿香 紅花 青風藤 烏藥 蘇木

玄參 白鮮皮 姜蚕 草烏 桃仁 山梔

五加皮 牙皂 苦參 川山甲 五倍子 蟬蛻

降真節 骨碎補 蒼耳頭 蜂房 鱉甲 全蝎

麻黃 白芨 各一兩 蛇蛻 三條 大黃 二兩 蜈蚣 二十一條

右為粗片用真麻油十二斤桃柳榆槐桑練楮樹枝各三
寸浸藥在內夏浸三宿春五宿秋七宿冬十宿方煎以藥
枯油黑為度用麻布一片濾出渣貯磁器內另以老黃色
松香不拘多少先下淨鍋鎔化後方加藥油量香二斤用

油四兩試水軟硬仍濾入水缸中摺扯色如黃金即成膏
矣若加乳香沒藥血竭麝香阿魏尤佳

風氣灸法 弱症亦治

令患人正身去衣兩手伸開用粗麻線一條以兩中指捻
線頭挺直使一人拿住勿動比數停當然後將此線對摺
齊不可長短束在項中掛下背心線止處是穴以墨點記
念咒灸之

咒曰八法神火不可輕流傳萬古顯神功包含天地陰陽
理治病靈功四海聞神火向天天開向地地裂向山山崩
向海海竭向人病除向鬼鬼滅火行正氣火除邪氣火除

四時不正之氣神火到處百病消散血氣通靈五奉九天
玄女急急如律令攝 須齋戒至誠灸之神效每灸七壯
治痛風不可忍者

漢防已 防風 當歸 牛膝 各一錢 地骨皮 五分

枸杞子 五分 帶麩麵 二錢

共為末水和作餅錢大分餘厚以指按其極痛處前藥用
唾沫貼上將艾於餅上灸之灸一壯換一餅重者不過七
治風濕作痛不能舉動

姜汁 一碗 牛皮膠 三兩 官桂 三錢 射香 三分

姜二斤可取汁一碗先煎黑色後加牛皮膠于內溶化盡

次加官桂末待煎好方下麝香將草紙作膏藥貼痛處藥
汁上一次貼紙一張約十數次藥盡為度至半夜濕水盡
出二三日後全愈也
脚氣附足跟痛轉筋

治方

紫蘇

黃栢炒

芍藥

木瓜

澤瀉

木通

防已

檳榔

蒼朮

枳殼

甘草

香附

羌活各等分

右水煎服痛加木香腫多加大腹皮發熱加黃連大黃血
虛加牛膝龜板痛除腫退即罷藥

東垣羌活導滯湯

治脚氣初發一身盡痛或肢節腫痛便

溺阻隔先以此藥導之後用當歸拈痛湯

羌活

獨活

各一錢

防已

二錢

當歸

一錢

大黃

酒浸一錢五分

枳實

炒一錢

水煎空心服

治風濕足膝疼痛不能步履

山藥

蓮肉

去心

芡實

淨肉

茯苓

去皮

苡仁

炒

糖霜

各一

粳米

二升

糯米

二升

右為末拌勻用土茯苓煎湯常調服不過半月即愈服此
藥忌茶以土茯苓湯當茶

當歸拈痛湯

治濕熱為病下注于足脛痛不可忍

方見痛風門

燂洗脚氣方

威靈仙 防風 荆芥 地骨皮 當歸 升麻

煎湯燂洗

五積散 治脚氣 方見中寒門

降氣湯 治脚氣冲心甚効 方見氣門

又方以四物湯加炒栢服再于湧泉穴用附子津拌貼以艾

灸之引泄其熱

健步丸 治足痿脚氣

生地黄 半兩 歸尾 酒浸 芍藥 陳皮

蒼朮 各一兩 米泔水 吳茱萸 湯泡 條芩 各半兩

牛膝 一兩 酒洗 桂枝 二錢 大腹子 三箇

為末蒸餅糊丸桐子大每服百丸空心煎白朮木通湯下

防已飲

白朮 木通 防已 檳榔 川芎 犀角

甘草稍 蒼朮 鹽炒 黃栢 酒浸 生地 酒浸

右水煎服大便實加桃仁便澁加杜仲牛膝有熱加黃芩

黃連大熱及時令熱加石膏有痰加竹瀝姜汁如常腫者

專主濕熱治

治寒濕脚氣痛腿硬不能步履

先用防風川椒葱桑槐桃柳枝煎湯薰洗過以川椒為末

入蘄艾內焙極熱用布包患處蓋被取汗

東垣健步丸 治脚氣神効

羌活 柴胡 防已 甘草炙 滑石炒 苦參

瓜蒌根各半兩 防風三錢 烏一錢 澤瀉三錢

肉桂五分

右酒糊丸麻子大每服百丸空心荆芥湯下

治足跟痛 四物湯加黃柏知母川牛膝

轉筋皆屬血熱四物湯加酒苓紅花煎服筋動手足大指上

至大腿近腰結痛此奉養厚因風寒而作再加蒼朮南星

癘風 附紫雲風血風瘡

瀨也虫食肝眉落食肺鼻崩食脾聲啞食心足底穿膝虛腫
食腎耳鳴啾又耳沿生瘡或痺或痛如針刺食身則皮痒如
蚤行自頭面來為順風自足起者為逆風多因感風邪不正
之氣

治癩實者先用橘皮瓜蒂濃煎汁吐之次用浮萍一斤搗汁麻

黃一斤煮生姜二兩蜜少許頓服發汗汗止用烏金散下

之○虛者先用橘紅湯吐之後汗之

烏金散

皂角刺性五斤燒灰存麝金二兩 大黃四兩酒浸

為末每服二錢酒調下食後服治上風食前服治下風

祛風散 專打風虫

麝金生二兩 大黃泡四兩 白牽牛六兩半生半 防風二兩

檳榔四兩 皂角刺十兩陳者

為末空心無灰酒調下面東服天明時虫下

換骨丹

麻黃五斤用水二桶煮令味出去渣濾淨慢火蒸煎成膏

麝香五分 大黃酒煮 槐花炒 白芷各二兩二錢 川芎各二兩二錢

乳香另研 沒藥另研 木香 沉香各三錢 蒼朮二兩

紫背浮萍一兩五錢 苦參一兩五錢

為末麻黃膏為丸彈子大每服一九臨臥好酒調服忌

風二三日若一切疥癬風疾只一二服愈○一方無麝香

蒼朮有槐角當歸防風其松各一兩五錢白花蛇四兩

洗浴法

艾葉一斤 麻黃一斤 川烏五錢 苦參 獨活 白芷

蛇床子 牛膝各五錢 河水煎湯大浴之五日一次

又方用桑葉菖蒲葉蒼耳何首烏藤荆芥煎湯洗

醉仙散

胡麻仁 牛旁子 蔓荊子 枸杞子 各半兩炒黑色

防風 瓜蒌根 白蒺藜 苦參 各半兩

右為末每一兩半入輕粉二錢拌勻大人用一錢空心日

午臨卧各服茶湯調下服後五日間先于牙縫內出臭涎
水渾身覺疼昏悶如醉利下臭屎為度量大小虛實加減
與之證候重而急者須先以再造散下之候補養得還復
與此藥服須斷鹽醬醋諸般肉魚腥椒料水果煨燒炙博
及茄子等物只宜淡粥熟食時菜食之或烏稍菜花蛇用
淡酒煮熟食之以助力可也

再造散

錦紋大黃 一兩

皂角刺

一兩半獨生
經年大黑者

鬱金

半兩

白牽牛 頭末六錢半生半炒

右為細末每服二錢臨卧冷酒調服一云日未出面東服

以淨桶伺候泄出虫如虫口黑色乃是多年赤色是為方
近三四日又進一服直候無虫則絕根矣後用通聖散調
理可用三稜針刺委中出血終身不得食牛馬驢騾等肉
大忌房事犯者必不救

神運丸 治癩

白茯苓 半斤 荆芥 兩四 用河水煮乾去荆芥用茯苓 追心包絡

白朮 四兩半 泔水煮軟治 天門冬 半斤 去心蜜蒸去髓間

地黃 四兩 醋浸留於臍俯 人參 四兩 川續斷 四兩 酒浸壯

草龍膽 四兩 伐肝心

為末煉蜜丸桐子大每服五六十丸空心米湯下日二服

換肌散 治大風年深不愈以至面毛脫落鼻梁崩損不踰
月取効如神

黑花蛇 白花蛇即斷黃蛇並酒浸一宿 地龍去土 三兩 細辛

白芷 天麻 蔓荆子 當歸 威靈仙 苦參

荆芥穗 茸菊花 不灰木 炙甘草 天門冬 紫蘇

赤芍藥 定風草 何首烏 菖蒲九節者 胡麻子 沙參

草烏頭去皮臍 蒼朮泔水浸去皮 木斃子 川芎

沙窠疾藜 水賊各一兩

右為細末每服五錢温酒調下酒多為妙極重者方可服

回生丸 治癩

蔓荆子四兩 荆芥四兩 姜蚕一兩 天麻二兩 白朮二兩

麻仁二兩 大黃二兩 酒蒸熟 蒼耳草四兩

為末酒糊丸每服四十九白湯下日二服

一法用桃柳桑槐楮五般枝濃煎湯大缸浸坐沒頸一日俟
湯如油出浴安矣

必効丸 治癩

白朮四兩 川芎二兩 熟地二兩 全蝎一兩 白茯苓二兩

防風二兩 姜蚕一兩 羌活一兩 獨活二兩 猪苓一兩

皂角一兩 白疾藜半兩 人參二兩 當歸二兩

龍膽草一兩 皂角刺一兩 荆芥一兩

胡黃連二錢

大楓子半斤去殼

黃連一兩

薄荷一兩 大黃四兩酒蒸

辰砂三錢

陳米飯丸桐子大每服七十丸溫酒下

本草 治惡疾遍身生瘡濃煎浮湯浴浸半日大効

一方以荆芥穗大黃梔子蔚金地黃杜仲防風羌活獨活白
蒺藜等分為細末以大風油入熟蜜丸桐子大茶清下四

五十丸一日三次

一法用苦參五斤好酒三斗浸一月每服一合日三次常與
不絕覺痺既安更為細末服亦良尤治癩疹

天真丸 治癩

松香四十兩 先用河水煮淨 十兩黃芪苦參同松香十兩

煮乾○十兩獨活同松香十兩煮乾○十兩皂角同松香

十兩煮乾

白芷一兩 全蝎一兩 牛膝一兩 白花蛇酒浸取淨肉去骨

右為末酒糊丸桐子大茶清下二丸

敷藥 治瘡大爛遍身塗之

黑狗脊二兩如無以杜仲代之 蛇床子一兩 寒水石 硫黃

白礬枯各二兩 朴硝少許

右為末用蠟猪油或香油調敷不爛者不必

蒼耳丸 治諸風并諸風瘡癩疹白紫癩風

五月五日取蒼耳草葉洗淨曬乾為末煉蜜九桐子大每服四五十九日三服若身體有風處或如麻豆粒此為風毒出也可以針刺黃汁出盡乃止。

七珍膏 治血風瘡極痒爬見血者此方極效

先用香油一斤槐枝青者截百段陸續下枝俟煎枯再下
熬至滴水成珠次下黃蠟一兩五錢又下定粉十二兩提
起微温方下後藥

乳香 沒藥 輕粉 白花蛇 孩兒茶各三錢

朝腦一兩麝香七分俱細末

即成膏用水浸一宿去火氣收藏并治一切惡瘡癰毒

治大麻風方

苦參三斤 羌活四兩 獨活四兩 當歸半斤 白芷四兩

白斂四兩 白蒺藜四兩 皂角刺煨灰存性半斤 天花粉

何首烏四兩

右為細末聽用次後用皂角五斤切細温水浸五日去渣
用沙鍋慢火熬成膏入前藥在內攪勻丸桐子大每服百
丸空心好酒下

治紫雲血風

何首烏四兩 五加皮二兩 牛旁子一兩

全蝎一兩 姜蚕二兩 羌活 獨活 白芷 黃連

川細辛 生地黄 芍藥 蟬退 防風 荊芥

蒼朮 各一兩 苦參 當歸略二

右為末或煉蜜丸或酒糊丸如桐子大每服七十丸好酒下或米湯下日進三服其病即愈

東坡四神丹 治大風神效

羌活 玄參 當歸 熟地 各等分

右為末煉蜜丸桐子大每服七十丸酒下

丹溪曰大風病是受得天地間殺物之風占人謂之厲風者以其酷烈暴悍可畏也人得之分在上在下氣受之則在上血受之則在下氣血俱受則在上復在下然皆不外陽

明一經陽明胃與大腸也無物不受治之者須致意者其瘡瘡與瘡上體先見多者在上也下體先見多者在下也在上者以醉仙散取涎血干齒縫中出在下者以再造散取惡物虫積于穀道中出後用 聖散 更用三稜針委中出血夫上下同得者甚重自非醫者神手病者鉄心罕能免此凡下藥須以稀粥調養半月一月勿妄動勞作

頭痛 附肩稜骨痛

屬痰者多有熱有風有血虛

治偏正頭風

酒片苓 蒼朮 防風 羌活 細辛 蒼耳

右等分為末每服三錢生姜湯調服○在左屬風加薄荷
荆芥又屬血虛加川芎當歸○在右屬痰加二陳又屬熱
瘦人多患之倍加酒苓又屬濕痰肥人多患之加川芎南
星倍蒼朮痰厥頭疼非半夏不能除頭旋眼黑風虛內作
非天麻不能除

遠年近日偏正頭風痛諸藥不效收功如神

白芷三錢 川芎三錢

右為細末黃牛腦子一箇擦藥末入磁器內加酒頓熟乘
熟和酒食之盡量一醉睡後酒醒其疾如失
一方用蘄艾不時燒烟薰之甚効

清虛膏 治諸般頭痛惟血虛頭痛不治

川芎

柴胡各五錢

黃連炒

防風去芦 羌活各一兩

甘草煨兩 細挺子黃芩三兩 平酒製一半炒

右為細末每服二錢熱盞內入茶少許湯調如膏臨卧抹
口內少用白滾湯送下如苦頭痛加細辛二分如痰厥頭
痛去羌活防風川芎甘草加半夏一兩五錢如偏正頭痛
服之不愈減羌防芎加柴胡一倍頂巔痛加藁本去川芎
芎歸湯 治血虛頭痛自魚尾上攻者是病在左瘦人多患
川芎 當歸 白芍藥各等分

右服五錢水煎服一方加黃芩用酒浸透晒乾

酒黃散

壯實人氣實有痰或頭重或頭運用大黃一兩酒浸炒為末茶調三錢服立効頭痒風屑髮黃者亦可服之

補中益氣湯 多加川芎當歸治勞役氣虛之人似傷寒發

熱汗出兩太陽作痛此相火自下衝上甚者加知母蔓荊

子方見內傷門

安神湯 治頭痛頭旋眼黑

甘草 四錢半生 防風 二錢五分 柴胡 升麻 知母

地黃 酒製 黃柏 羌活 各一兩 黃芪 二兩

每服五錢水二大盞煎一盞半加蔓荊子五分川芎三分

再煎至一盞去渣臨卧熱服

不卧散 治頭痛因痰厥者

猪牙皂角 一錢 玄胡索 青黛 少許炒

右為末吹鼻中取涎

點頭散 治偏正頭痛

川芎 生二兩 香附子 去毛四兩

右為末每服一錢好茶下常服除根

紫金錠 治年深日近頭疼太陽疼用酒入薄荷研爛付太

陽穴上立効

茶調散 亦治頭疼

薄荷去梗八兩 不見火 川芎 四兩 羌活 甘草

白芷略二兩 細辛 一兩 防風一兩半 荆芥去梗四兩

右為細末每服二錢食後茶清調下常服清頭目

頭上有腫塊痛者名雷頭風用羯羊糞化灰酒調服

歌曰 雷頭風發悶懨懨 羊糞將來不用錢

搗碎細研篩為末 酒調熱服便安然

選奇方 治眉骨痛不可忍大有効

羌活 二錢 防風 二錢 甘草二錢 夏生冬灸 酒苓一錢 冬月不用有熱用之

每服三錢水一鍾煎七分食遠服

吹鼻散 治偏正頭風以此藥鼻中吹之火眼亦可

火硝四兩 黃丹二兩 石羔二兩 乳香二錢 沒藥二錢

黎蘆三分 細辛三分 天麻二錢 雄黃三分 川芎三錢

天門冬 麥門冬 皂角 甘草各六錢

右為末吹時須令病人含水一口

一粒金喘鼻方 治偏正頭風

葷揆不拘多少細研用猪膽懸陰乾 藁本 玄胡索

白芷 川芎各等分

右為末入製葷揆末用無根水丸每用一粒以長流水化

開嚙鼻以銅錢二三文口咬定出涎為度

灸法 治頭風經年不愈者

灸顛會百會前頂上星等穴即瘥

中寒

主乎温散有卒中天地之寒氣者有口得寒物者

理中湯 治五臟直中寒邪者口禁失音四肢僵直腹冷痛

瀉兼治胃腕寒冷氣刺痛加附子名附子理中湯方見傷寒門

姜附湯 治中寒身體強直口噤不語逆冷

乾姜一兩附子生去皮臍一箇

每服三錢水煎服挾氣攻刺加木香半錢挾風不仁加防

風一錢挾濕加白朮筋脉牽急加木瓜肢節痛加桂二錢

大巴寒丸

附子泡去皮臍川烏頭炮去皮臍剉作豆大再炒黃色乾姜炮製

官桂去粗皮吳茱萸炒各一兩

右為細末醋糊丸桐子大每服五七十九米飲下

五積散

白芷 陳皮 厚朴 桔梗 枳殼 川芎

甘草 茯苓 桂 芍藥 半夏 當歸

麻黃 乾姜 蒼朮

每服四錢水一鍾姜三片葱白三箇煎七分熱服冒寒用

煨姜挾氣加茱萸婦人調經催產入艾醋

四逆湯

甘草三兩 乾姜半兩 附子半兩 生用 去皮臍 切作片子
右為粗末 每服三錢 水一鍾 半煎一鍾 去滓 溫服

二姜湯

良姜 乾姜 炮各三兩

右為細末 酒糊丸 桐子大 每服三十九 空心米飲下

治冷氣成疾 遇寒則發

用大附子一箇 姜汁浸七日 用白綿紙浸濕 包裹五七層
慢火煨熟 分作五分 每服空心 細嚼滾湯送下

中寒脉虛而微 細雖燥熱煩渴 可煎理中湯水中浸冷服之
不可熱服 誤用寒涼藥 決死

凡中寒 卒倒昏迷 不省人事者 先用熱酒 姜汁各半 盞灌入
稍醒後 服加味理中湯 如不飲酒 用姜汁灌之 依法調治

傷寒 附傷風

脉陽浮陰弱 謂之傷風 脉浮緊無汗 謂之傷寒 脉浮頭頂痛
腰脊強 病在太陽 脉長身熱目痛鼻乾 病在陽明 脉弦胃脇
痛耳聾 病在少陽 脉俱細 噤乾腹滿 邪在太陰 脉俱沉 口燥
舌乾而渴 邪在少陰 脉俱微 緩煩滿 囊縮 邪在厥陰

劫病法 陶節菴

一傷寒發狂 先於病人處 生火一盆 用醋一碗 傾火上 其氣
冲入鼻內 即安 方可察其陽狂陰燥 用藥若初起 頭疼發

熱惡寒方除已後登高而歌棄衣而走踰牆上屋罵詈呼
喊大渴欲死脉來有力乃因邪熱傳裏陽盛發狂當用寒
藥下之舌卷囊縮者不治若病起無頭痛身微熱面赤戴
陽煩躁脉來沉微無力欲坐卧于泥水中乃因寒熱而發
躁即陰証似陽當用熱藥溫之厥冷下瀉譫語者不治

一傷寒腹中痛甚將凉水一盞與病人飲之其痛稍可者屬
熱痛當用涼藥清之清之不已而或遠臍硬痛大便結實
煩渴屬燥糞痛急用寒藥下之食積痛亦宜下若小腹硬
痛小水自利大便黑身目黃者屬畜血痛亦用寒劑加行
血藥下盡黑物即愈此三者皆痛隨利減之法也若飲水
愈加作痛屬寒當用溫藥和之和之不已而或四肢厥冷
腹痛嘔吐瀉利急用熱藥救之須詳脉來有力無力此為
良法

一傷寒直中陰經真寒疝甚重而無脉或吐瀉脫元而無脉
將好酒姜汁各半盞與病人服其脉來者可治當察其陰
陽用藥不拘脉浮沉大小但指下出見者生如用此法脉
不至者必死又必問病人有何疼痛處若有痛症脉必伏
宜隨病制宜尤當問病人若平素原無正取脉須用覆手
取之此為反關脉若平素正取有脉後因病無脉者亦當
覆手取取之而脉出者陰陽錯亂也宜和合陰陽如覆取

正取俱無脉者必死

一傷寒舌上生胎不拘滑白黃黑俱用井水浸青布于舌上洗淨後用生薑片子時時浸水擦之其胎自退凡見舌生黑胎芒刺者必死此熱毒入深腎水尅心火也若發黃者用生薑時時週身擦之其黃自退若心胸脇下有邪氣結實滿悶硬痛用生薑一斤搗去汁微炒燥帶潤以絹包熨患處稍可又將姜渣和前汁炒乾再熨許久即寬快

一傷寒鼻衄成流久不止者將山梔炒黑為末吹鼻内外用水紙搭鼻冲其血自止若點滴不成流者其邪在經未解照後秘方用藥

一傷寒熱邪傳裏服轉藥後用鹽炒麩皮一升絹包於病人腹上熨之使藥氣得熱則行大便秘通

一傷寒吐血不止用韭汁磨京墨呷下其血見黑必止如無韭汁用鷄子清亦可蓋赤屬火黑屬水也

一傷寒直中陰經真寒症或陰毒症身如被杖腹中絞痛嘔逆沉重不知人事四體堅冷如石手指甲唇青藥不得入口六脉沉細或無脉欲絕者將葱縛一握切去根葉取白三寸許搗如餅先用麝香半分填臍中後加葱餅臍上以火熨之連用二三餅稍醒唯入生薑汁煎服回陽救急湯如再不醒灸關元氣海二三十壯使熱氣通其內逼邪出

於外以復陽氣如用此法手足溫和汗出即醒者為有生也如手足不溫汗不出不省人事者必死

一傷寒熱病熱邪傳裡亢極無解用黃連煎水一盞放井中頓令浸青布搭胸上徐徐換之待熱勢稍退即除不可久漬夏月用此法冬月不宜

一傷寒服藥轉吐不納者用竹管重搦內關後將生姜汁半盞熱飲其吐即止大凡服寒藥熱飲熱藥寒飲中和之劑溫和服之如要取汗雖辛甘之劑亦宜熱服如要止汗雖辛甘之劑亦宜溫服

驗舌法

白胎舌 舌見白胎滑者邪初入裏也丹田有熱胸中有寒乃少陽半表半裏之症宜用小柴胡湯梔子豈豉湯治之將瘟舌 舌見紅色熱蓄於內也不問何經宜用牙皂細辛白芷當歸等分為末令病人先噙水一口以藥少許吹鼻內吐去水取嚏為度如不嚏再吹凡瘟疫之家不拘已未患者皆宜用之

中焙舌 舌見紅色內有黑形如小舌者乃邪熱結于裏君火熾盛反薰水化宜涼隔散大柴胡湯下之

生斑舌 舌見紅色而有小黑點者熱毒乘虛入胃蓄熱則發斑矣宜用玄參升麻葛根湯化斑湯解之

裏圈舌 舌見淡紅色而中有一紅暈沿皆純黑乃餘毒遺于心胞絡之間與邪火鬱結二火亢極故有是症也以承氣湯下之

人裂舌 舌見紅色更有裂紋如人字樣者乃君火燔灼熱毒炎上故也宜用涼隔散

蟲碎舌 舌見紅色更有紅點如虫蝕之狀乃熱毒熾甚火在上水在下不能相濟故也宜用小承氣湯下之

裏黑舌 舌見紅色內有乾硬黑色形如小長舌有刺者熱毒熾盛堅結大腸金受火制不能平木宜調胃承氣湯下

紅星舌 舌見淡紅中有大紅星者乃少陰君火熱盛所不

勝者假火勢以侮脾土將欲發黃之候宜用茵陳五苓散
黑尖舌 舌見紅色尖見黑色者水虛火實腎熱所致宜用竹葉石羔湯

厥陰舌 舌見紅色內有黑紋者乃陰毒盛于肝經肝主筋故舌見如絲之形也用理中合四逆湯溫之

死現舌 舌見黑色水尅火明矣患此者百無一治

黃台舌 舌尖白根黃其表證未罷先宜解表然後方可攻之如大便秘者用涼隔散加硝黃泡服小便澀者用五苓

散加姜汁少許白湯調服

一用木通滑石甘草共為末每服五錢入姜汁蜜白湯調服

黑心舌 舌弦白心黑脉沉微者難治脉浮滑者可汗沉實

者可下始病即發此色危殆之甚速以調胃承氣湯下之
舌尖有白胎二分根有黑色一分必主身痛惡寒如飲水不
至甚者五苓散自汗渴者白虎湯下利者解毒湯此亦危症
舌見白胎中有黑小點亂生者尚有表症宜涼膈散微表之
表退即當用調胃承氣湯下之

舌見微黃色者初病即得之發識語此由失汗表邪入裡也
必用汗下無行宜用雙解散加解毒湯主之

舌中見白胎外則微黃者必作泄宜用解毒湯惡寒者五苓散
舌見微黃色者表證未罷宜小柴胡湯合六一散主之可下
者大柴胡湯下之表裡雙除臨症審用

舌見黃色者必初白胎而變黃也皆自表傳裏熱已入胃急
宜下之如下遲必變黑色為危症宜用調胃承氣湯下之
舌右白胎滑者病在肌肉為邪半表半裏必往來寒熱宜小
柴胡湯和解之

舌左白胎而自汗者不可下宜用白虎湯加人參三錢

舌左見白胎滑者此臟結之症邪併入臟難治

舌見四圍白而中黃者必作煩渴嘔吐之症無有表者五苓
散益元散蕪服須待黃盡方可下

舌黃而尖白者表少裏多宜六一散涼膈散合用脉弦者宜
防風通聖散

古見黃而澁有隔瓣如六樣者熱已入胃邪毒深矣心火煩渴急宜大承氣湯下之若身發黃者宜茵陳湯下血用抵當湯水在脇內十棗湯結胸甚者大陷胸湯痞用大黃瀉心湯

古見四邊微紅中央灰黑色者此由失下所致宜大承氣湯下之熱退可愈必三四下方退如五六次下而熱不退者不治

古見黃而黑點亂生者其症必渴譫語脉滑者生脉濇者死循衣摸床者不治若下之見黑糞者亦不治下宜大承氣湯氣古見黃中黑至尖者熱氣已深兩感見之十當九死惡寒甚者亦死不惡寒而下利者可治宜用調胃承氣湯

古外見淡紅心淡黑者如惡風表未罷用雙解散加解毒湯相半微汗之汗罷急下之如結胸煩燥目直視者不治非結胸者可治

古見灰色尖黃不惡風寒脉浮者可下之若惡風惡寒者用雙解散加解毒湯三四下之見黑糞不治

古見灰黑色而有黑紋者脉實急用大承氣湯下之脉浮渴飲水者用涼膈散解之十可救其二三

舌根微黑尖黃脉滑者可下脉浮者當養陰退陽若惡風寒微汗之用雙解散若下利用解毒湯十生七八也

舌根微黑尖黃隱見或有一紋者脉實急用大承氣湯下之
脉浮渴飲水者用涼膈散解之十可救其二三

凡傷寒傳經之邪比雜症不同必辯其脉症舌三者表汗下
之庶不有悞况脉者血之府屬陰當其得病之初正氣相搏
若真氣未衰脉必滑數而有力病久熱甚氣衰脉必微細而
無力方數甚也但可養陰退陽此識脉之要也或初病即惡
寒發熱後必有渴水燥熱之症或逆厥而利此熱症傳經之
邪也若始終皆熱症則惟熱而不惡寒故傷寒為病初則頭
痛必無發熱惡寒渴水之症一病便有逆厥泄利或但惡寒
不發熱此寒症也此識症之要也如舌本者乃心之竅心屬

火主熱人得病初在表則舌自紅而無白胎等色邪入半表
半裏之間其舌色變為白胎而滑見矣邪傳于裏未罷則舌
必見黃胎乃邪已入胃急宜下之若醫不以次誤用湯劑失
于下遲其胎必黑變症蜂起此為難治若見舌胎如漆黑之
光者十無一生此心火自炎與邪熱二火相乘熱極則無化
水象故色從黑而應水化也明于醫道者其詳察之

製藥法 陶節菴

一用附子必頂圓臍正一兩一枚者先將鹽水姜汁各半盞
用砂罐煮七沸後入黃連甘草各半兩再加童便半盞再
煮七沸住火良久撈起磁器盛貯伏地一晝夜取出晒乾

庶無毒害

一用川大黃須錦紋者剉碎酒拌炒乾不傷陰血人壯實者
生用

一用麻黃去節先滾醋湯略浸片時撈起備用庶免大發如
冬月嚴寒腠理至密生用

一用茱萸將鹽水拌勻炒燥備用庶無小毒

解藥法陶節菴

一用附子後身目紅者用蘿蔔搗汁二大碗入黃連甘草各
半兩犀角三錢煎八分服其紅自除如解遲血從耳目口
鼻出必死無蘿蔔用澄清泥漿水亦可

一用大黃後瀉利不止用烏梅二箇炒硬米一撮乾姜三錢
人參五錢白朮炒五錢生附子皮一錢半甘草一錢升麻
少許燈心一握水二大鍾煎八分去渣入炒陳壁泥一匙
調服即止取土氣以助胃氣也

一用麻黃後汗出不止將病人髮披水盆中足露出外用炒
糯米半升龍骨牡蠣藁本防風各一兩為末週身撲之隨
後槌法用藥免致亡陽

川芎茶 此藥製之凡途中或鄉村無藥處感冒風寒頭疼
鼻塞身體拘急畏風者加葱白用滾湯泡一鍾熱服之汗
出即愈

鮮紫蘇 剉碎

生姜 剉絲 鮮川芎

用梗葉剉碎如無用乾川芎亦可

陳皮

鮮菖蒲 用根剉絲

五味藥各等分作一盒細茶一盒於五月五日午時焚香

淨手將茶與藥拌勻用厚紙包封勿令泄氣焙乾磁瓶貯

葱桃散

治傷風頭疼發熱鼻塞畏寒初起者

細茶

生姜 搗

胡桃肉 研

葱白 搗各二錢

水一大碗煎七分熱服蓋被出汗

一方只葱頭一味搗爛熱酒和服取汗

參蘇飲

治時氣瘟疫兩感風寒頭疼鼻塞憎寒壯熱名重

傷風

人參

紫蘇

前胡

半夏

茯苓

葛根

桔梗

枳殼

陳皮

甘草

咳嗽加桑皮杏

仁頭痛加川芎

水二鍾姜三片葱頭一枚煎八分熱服氣盛去人參

藿香正氣散

治感冒寒邪頭疼拘急惡寒作熱或內挾飲

食胸膈不利 陰症初起可用

藿香一錢厚朴

陳皮

半夏

白芷 各八分

茯苓

腹皮 白朮

桔梗 各七分

紫蘇一錢

甘草五分

水二鍾姜三片煎八分熱服

十神湯

治時氣不正瘟疫妄行感冒發熱不問陰陽兩感

風寒並宜服之傷寒二日可用

川芎 甘草 麻黃 紫蘇 升麻 白芷

陳皮 香附 芍藥 乾葛

姜三片水煎熱服取汗

香蘇飲 治四時傷寒頭疼發熱惡寒初起用

紫蘇葉 香附 陳皮 甘草

水鍾半姜三片葱頭一枚煎七分熱服頭疼加川芎白芷

人參敗毒散 治傷寒頭疼壯熱或感冒非時暴寒頭痛肢

節骨痛拘急惡寒漸作外症之熱

人參 桔梗 枳殼 茯苓 川芎各八獨活

前胡 柴胡各一錢 羌活二錢 甘草五分

水煎服挾勞役者倍用人參加當歸芍藥

八解散 傷寒陰症初起用

人參 茯苓 陳皮 半夏各一錢 厚朴七分 甘草

藿香各三 白朮八

姜水煎服

升麻湯 治大人小兒時氣瘟疫頭疼發熱

升麻 葛根 芍藥 甘草

水一鍾煎七分熱服

救急散 治傷寒傷風頭目不清等症

川芎 薑黃 玄明膏 丹皮 硃砂各二錢

桂枝 白芷 皂莢各四錢

為細末每用少許以竹管吹入兩鼻孔即飲生薑蘇茶

麻黃湯 治傷寒太陽脉浮頭暈發熱惡寒身痛無汗而喘

冬時得病宜服春分後忌之

麻黃 一兩 桂枝 一兩 甘草 五錢 杏仁 五十箇

每服五錢水煎溫服取汗為度

陶節菴方名升麻發表湯多防風川芎羌活升麻白芷五

味治冬月正傷寒頭疼發熱惡寒脊強脉浮緊無汗為表

証此足太陽膀胱經受邪當發汗頭如斧劈身如火熾者

宜用此湯 加減法○本經發熱惡寒頭痛無汗而喘加

乾葛去升麻○本經發熱惡寒身體痛加蒼朮芍藥去杏

仁○本經發熱惡寒身痒面赤者以其不得小汗故也去

白芷杏仁加柴胡芍藥○本經頭痛發熱惡寒胸中飽悶

加枳壳桔梗○本經感寒深重服湯不作汗者宜再服至

三二劑汗不出者死○本經汗後不解宜再服量證輕重

用麻黃升麻分多寡為當○水二鍾姜三片葱白二莖槌

法加江西豆豉一撮煎之熱服取汗有汗即止不得多服

桂枝湯 治傷寒太陽經受病頭疼身痛或翕翕發熱灑灑

惡風汗出鼻鳴乾嘔冬時得病宜服春分後忌之

赤芍藥

桂枝各五錢 甘草四錢炙

每服五錢姜三片棗二枚水煎服須臾啜稀粥助藥力以取微汗無汗者休服若小便數及飲酒人不宜用飲酒人不喜其恐中滿而嘔夏至前加黃芩夏至後加石膏知母升麻病人素虛寒不須加減

陶節菴方名踈邪實表湯多防風川芎羌活白朮四味治冬月正傷風頭痛身熱惡寒脊強脉浮緩自汗為表証此足太陽膀胱經受邪當實表散邪無汗者不可服 加減槌法○汗不止加黃芪○喘加柴胡杏仁○胸中飽悶加枳壳桔梗○水二鍾姜三片棗二枚槌法加膠飴二匙煎之温服

九味羌活湯

治春分後傷寒代桂枝麻黃湯用

羌活

防風

蒼朮

各一錢二分半 甘草

白芷

川芎

生地

黃芩

各一錢 細辛四分

姜三片棗一枚水煎熱服取汗原有汗去蒼朮加白朮渴加知母石膏

陶節菴方云治春夏秋感冒暴寒頭痛發熱惡寒脊強無汗脉浮緊此足太陽膀胱經受邪是表証宜發散不與冬時正傷寒同治法此湯非獨三時暴寒春可治温夏可治熱秋可治濕治雜症亦有神也 加減槌法○胸中飽悶

加枳壳桔梗去生地○夏月加石膏知母名神朮湯如服
此湯後不作汗加蘇葉喘而惡寒身熱加杏仁生地汗後
不解宜再服汗下無行加大黃此釜底抽薪之法○春夏
秋感冒非時傷風亦有頭痛惡寒身熱脉浮緩自汗宜實
表去蒼朮加白朮汗不止加黃芪即加減冲和湯再不止
以小柴胡湯加桂枝芍藥一錢如神○水二鍾姜三片棗
二枚煎至一鍾槌法加葱白搗汁五匙入藥再煎一二沸
發汗熱服止汗温服

柴葛解肌湯陶節菴方治足陽明胃經受証目疼鼻乾不眠
頭疼眼眶痛脉來微洪宜解肌屬陽明經病其正陽明腑

病別有治法

柴胡

乾葛

甘草

黃芩

芍藥

羌活

白芷

桔梗

加減槌法○本經無汗惡寒甚者去黃芩加麻黃冬月宜
加春宜少夏秋去之加蘇葉○本經有汗而渴者治法在
如神白虎湯下○水二鍾姜三片棗二枚槌法加石膏末
一錢煎之熱服

小柴胡湯 治少陽症脉來弦數發熱耳聾脇痛口苦微嘔
或往來寒熱胸膈滿痛小便不利大便秘澀但見一症便
是不必悉具

柴胡三錢 黃芩二錢 半夏一錢 甘草八分 人參一錢

水二鍾 姜三片 棗一枚 煎一鍾 通口服 胸滿及咽痛 加枳
壳 桔梗 名柴胡 枳桔湯 脇痛 加芍藥 石菖蒲 石柴胡 芍藥
湯 肚腹痛 加枳實 大黃 名柴胡 飲子 無汗 加升麻 葛根 名
柴胡 葛根湯 咳嗽 加杏仁 五味子 名柴胡 五味湯 汗下後
病不解 加黃連 黃栢 黃芩 梔子 名黃連 解毒湯 結胸 加瓜
蒌子 發黃 加茵陳 黃栢 發黃 有血症 加桃仁 當歸 狂亂 加
大黃 朴硝 衄血 下血 加黃連

陶節菴方 名柴胡 雙解 飲多 陳皮 芍藥 二味 治足少陽 胆
經受證 耳聾 脇痛 寒熱 嘔而口苦 脉來弦數 屬半表半裏

宜和解 此證 經無出入 有三禁 不可汗 下吐也 止有小柴

胡一湯 隨病加減 再無別湯 加減槌法 ○本經証小便

不利 加茯苓 ○本經嘔者 入姜汁 竹茹 ○脇痛 加青皮 ○

痰多加瓜蒌仁 貝母 ○寒熱似瘧 加桂枝 ○渴加天花粉

知母 ○齒燥無津液 加石羔 ○嗽加五味子 金沸草 ○壞

証加鱉甲 ○本經証心下飽悶 未經下者 非結胸 乃表邪

傳至胸中 未入乎腑 証雖滿悶 尚為在表 只用小柴胡 加

枳壳 未效 就以本方 對小陷胸湯 加枳桔 一服 豁然 ○虛

煩類傷寒 本方加竹葉炒粳米 ○本經與陽明合病 本方

加葛根 芍藥 ○婦人熱入血室 加當歸 紅花 ○男子熱入

血室加生地○老婦人傷寒無表証其熱勝者本方加大黃甚者加芒硝○水二鍾姜一片棗二枚槌法入生艾汁三匙煎之溫服

大柴胡湯 治傷寒七八日後不解邪氣結在內身熱煩燥語言譫妄心下痞大便不通繞臍刺痛若身體疼痛表証不解者不可服

柴胡 三錢 半夏 一錢 黃芩 二錢 芍藥 一錢 枳實 一錢半

大黃 三錢

水二鍾煎至鍾半入大黃煎八分溫服熱極腹脹及結胸加朴硝發黃小便自利大便黑加桃仁當歸桂枝發黃小便不利加茵陳梔子黃柏

桂枝大黃湯陶節菴方 治足太陰脾經受証腹滿而痛咽乾而渴手足溫脉來沉而有力此因邪熱從陽經傳入陰經也

桂枝 芍藥 甘草 大黃 枳實 柴胡

加減槌法○本經腹滿不惡寒而喘者加大腹皮去甘草水二鍾姜一片棗二枚煎之臨服槌法入檳榔磨水三匙熱服

小青龍湯 治傷寒表証不解心下有水氣乾嘔發熱而咳或渴或利或嘔或小便不利小腹滿或喘者

乾姜炮 細辛 麻黃去節肉桂 芍藥 甘草

灸各三兩 五味子 二兩 半夏 二兩 五錢湯泡
每服四錢水煎溫服

大青龍湯 治傷寒六脉浮緊頭疼發熱惡寒無汗煩燥若
脉弱惡風汗出不可服

麻黃 三兩 桂枝 一兩 杏仁 二十枚 甘草 一兩 石羔 半個 雞子
大煨

每服五錢姜三片棗一枚水煎溫服取汗即止不可過汗
過則亡陽

白虎湯 治陽明經病發熱目痛鼻乾頰赤或大汗後表証
已解或吐下後邪氣未除餘熱在裡心胸煩渴甚欲飲水
石羔 四錢 知母 一錢 甘草 五分

水一鍾半加粳米三十餘粒煎七分隨口服如煩渴不已
加入參

陶節菴方名如神白虎湯多人參山梔麥門冬五味子四
味 加減槌法○心煩加竹茹一團○如大渴心煩背惡
寒者依本方去山梔加天花粉無汗不可服此藥○水二
鍾棗一枚姜一片槌法加淡竹葉十片煎八分執服

三黃石羔湯陶節菴方 治陽毒發斑身黃如塗硃眼珠如火
狂叫欲走六脉洪大燥渴欲死鼻乾而赤齒黃過經不解
已成壞症表裡皆熱欲發其汗病熱不退又復下之大便
遂頻小便不利亦有錯治溫症而成此症者又八九日已

經汗下後脉洪數身壯熱拘急沉重欲治其內由表未解
欲發其表則裡症又急趨起不能措手待斃而已殊不知
熱在三焦閉塞經絡津液榮衛不通遂成此症又治汗下
後三焦生熱脉洪譫語不休晝夜喘息鼻時加衄身目俱
黃狂叫欲走者通用此湯治之

石膏半兩 黃芩 黃連 黃栢鎔七錢 山梔三十枚 麻黃

香豉二合

水一鍾姜三片棗一枚槌法取細茶一撮煎之熱服

小承氣湯 治陽明症潮熱胸腹滿按之則痛大便實

大黃三錢厚朴 枳實各二錢

水二鍾先將朴實煎至一鍾半入大黃煎八分溫服

大承氣湯 治胃實譫語五六日不大便及少陰症口燥咽

乾舌台黃黑及生芒刺急宜下之

大黃五錢厚朴二錢 枳實二錢芒硝三錢

水二鍾先將朴實煎至鍾半入大黃又煎至一鍾方入芒

硝溫服

調胃承氣湯 治太陽陽明不惡寒反惡熱大便秘譫語

甘草五錢芒硝七分 大黃一兩酒浸

水二鍾先煎甘草至七分去渣入硝黃煎一沸溫服取利

另用五錢作一服

小陷胸湯 治小結胸心下按之則痛脉浮滑者是

半夏六錢 黃連三錢 瓜蒌一箇連皮肉取四分之一 生姜一錢

水二鍾先煮瓜蒌至鍾半下餘藥煎至一鍾温服如未効再進微解得口出黃涎即愈

大陷胸湯 治大結胸脉沉緊心下痛按之實硬者是

大黃一兩五錢 芒硝一兩八錢五分 甘遂二分半為末

作二服每服水二鍾煎大黃至一鍾去渣入芒硝煎一沸次入甘遂末温服得快利即止不服

一方治傷寒結胸用初出黃毛小鷄一隻同橘葉生姜葱白搗爛絹帕包患處即通利

六一順氣湯 陶節菴方云此代大承氣小承氣調胃氣

大柴胡三乙承氣大陷胸等湯之聖藥也治傷寒熱邪傳表大便結實口燥咽乾怕熱譫語揭衣狂妄揚手擲足班

黃陽厥潮熱自汗胸腹滿硬遶臍疼痛等症

大黃 枳實 黃芩 厚朴 甘草 柴胡

芒硝 芍藥

潮熱自汗譫語發渴揚手擲足揭去衣被狂妄班黃大便實者俱屬正陽明胃腑病依本方○口燥咽乾大便熱屬

少陰依本方○怕熱發渴譫妄手足乍冷乍温大便實者陽厥証屬厥陰依本方舌卷囊縮者難治須急下之○譫

語發渴大便實達臍硬痛者有燥熱依本方○熱病目不
明謂腎水已竭不能照物病已篤矣惟宜急下依本方○
轉屎氣者謂下泄也有燥屎當下之依本方如更衣者止
後服不必盡劑不更衣者宜再少與大便通者愈○結胸
症心下硬痛手不可近燥渴譫語大便實者依本方去甘
遂桔梗○凡傷寒過經及老弱并血氣兩虛之人或婦人
產後有下症或有下後不解或有表症尚未除而裏症又
急不得不下者用此湯去芒硝下之蓋恐轉藥硝性燥急
故有此戒

大凡傷寒邪熱傳表結實瀕着熱氣淺深用藥今之庸醫
一槩用大黃芒硝亂下之枉死者多矣予謂傷寒之邪傳
來非一治之則殊病有三焦俱傷者則痞滿燥實堅全俱
宜大承氣湯厚朴苦溫以去痞枳實苦寒以泄滿芒硝鹹
寒以潤燥軟堅大黃苦寒以泄實去熱病斯愈矣邪在中
焦則有燥實堅三症故用調胃承氣湯以甘草和中芒硝
潤燥大黃泄實不用枳朴恐傷上焦虛無氤氳之元氣調
胃之名自此亡矣上焦受傷則痞而實用小承氣湯枳實
厚朴之能除痞大黃之泄實去芒硝不傷下焦血分之真
陰謂不伐其根本也若夫大柴胡湯則有表証尚未除而
裡証又急不得不下者只得以此湯通表裡而緩治之猶

有老弱及血氣兩虛之人亦宜用此故經云轉藥孰緊有
芒硝者緊也大承氣最緊小承氣次之調胃承氣又次之
大柴胡又次之其大柴胡加大黃小柴胡加芒硝方為轉
藥蓋為病輕者設也仲景又云蕩滌傷寒熱積皆用湯液
切忌丸藥不可不知

右先將水二鍾滾三沸後入藥煎至八分槌法臨服入鐵
銹水三匙調服取鐵銹沉重最能墜熱開結也

真武湯 治傷寒數日已後發熱腹痛頭目昏沉大便自利
小便或利或澁或嘔或咳或已經汗不經汗不解仍復發
熱心下忪悸皆由渴後飲水停留中脘所致此藥並皆治

芍藥

茯苓

白朮

甘草

附子炮

水鍾半煎八分服不拘時咳嗽加五味子細辛乾姜下利
去芍藥加乾姜小便利去茯苓嘔去附子加生姜

理中湯 治冬時中寒不作鬱熱四肢厥冷身體骨節盡痛
蹇卧唇面青色或作嘔吐脉來沉遲或伏欲絕直中陰經
真陰症傷寒

乾姜

人參

甘草

白朮

各七錢五分

每服五六錢水煎服加附子一枚名附子理中湯

陶節菴方多肉桂陳皮茯苓三味○加減槌法○厥陰消
渴氣上衝心不欲食食即吐蛇腹痛大便實者本方加大

黃芩少許利之○本經腹濡滿時減者依本方去甘草○
本經嘔吐者入半夏姜汁○本經踈臥沉重利不止少加
附子○利後身體痛者急溫之加附子○自利腹痛者入
木香磨姜汁調和服○水二鍾姜一片棗二枚臨服槌法
入炒陳壁泥一匙調服取土氣以助胃氣

四逆湯 治太陰症傷寒自利不渴脉微或沉欲絕手足厥
冷方見中寒門

右作一服水煎溫服強人用大附子加乾姜二錢本方乾
姜加至一兩名通脉四逆湯治厥逆下利脉不至者每服
五錢面赤加葱白九莖嘔加生姜咽痛加桔梗利止脉
出加人參

陶節菴四逆湯又名回陽救急湯治寒邪直中陰經真寒
症初病起無身熱無頭疼止惡寒四肢厥冷戰慄腹疼吐
瀉不渴引衣自蓋踈臥沉重或手指甲唇青或口吐涎沫
或至無汗或脉來沉遲而無力者

熟附子 乾姜 人參 甘草 白朮 肉桂

陳皮 五味子 茯苓 半夏

加減槌法○嘔吐涎沫或有小腹痛加鹽炒茱萸○無脉
者加猪膽汁一匙○泄瀉不止加升麻黃芪○吐嘔不止
加姜汁○水二鍾姜三片臨服槌法入麝香三釐調服手

足溫和即止此後只可用前理中飲加減治之

灸法

陰症傷寒小腹痛十指青六脉俱無此必死症灸法離臍之上下左右各一寸各灸五壯又以線量病人一脚底長即以所量線從兩脚後跟起上量至小腿線盡處以指按入爪肉陷中是穴用墨點記各灸三壯即氣絕者尤能回生

又傷寒陰毒四肢厥冷脉微欲絕囊縮遺尿腹痛腹滿腸鳴

灸氣海石門關元三穴五七壯當臍中為神關下一寸為陰交一寸五分為氣海二寸石

門二寸關元

五苓散 治傷寒後發熱作渴小便不利 方見濕門

陶節菴五苓散又名導赤散治小水不利小腹滿或下焦蓄熱或引飲過多或小水短赤而渴脉沉數者以利小便為先惟汗後無津液與陽明汗多者則以利小便為戒

茯苓 猪苓 澤瀉 桂枝 白朮 甘草

滑石 山梔

加減槌法○中濕身目黃者加茵陳○水結胸症加木通燈心如小水不利而見頭汗出者乃陽脫也○得病起無熱但譫語煩燥不安精采不與人相當此湯治之○水二鍾姜一片燈心二十莖槌法入鹽二字調服

黃連解毒湯 治傷寒雜病熱毒煩悶乾嘔口燥呻吟喘滿

或下後發熱煩渴飲水不解以此治之方見火門

腹滿嘔吐或欲作痢者每服加生半夏三枚厚朴二錢茯苓二錢生姜三片煎熱服各半夏黃連解毒湯

竹葉石膏湯 治傷寒汗下後表裡俱虛津液枯竭餘熱不解心煩不眠或氣逆飲吐及諸虛煩熱並宜服之

石膏 淡竹葉 麥門冬 粳米百餘粒 人參 甘草

水煎服陰虛甚者加知母黃柏川歸地黃驚悸不寧盜汗加酸棗仁茯神小便不利加山梔氣短無力加人參黃芪

大薤活湯 解利兩感傷寒經云兩感不治然所稟有虛實所感有淺深若稟實而感淺者間亦可生治之而不救者

有矣未有不治而生者用此十中或活一二

薤活一錢半 獨活 防風 黃芩 黃連 白朮

川芎各一錢 細辛五分 生地 知母各二錢 水煎熱服

茵陳蒿湯 治陽明裡熱極甚煩渴熱鬱留飲不散以致濕熱相搏身發黃疸但頭出汗身無汗齊頸而還小便不利渴欲飲水漿者服之

茵陳 大黃 大梔子

水二鍾半煎至一鍾絞汁溫服以利為度甚者再服當下如爛魚腸膿血膠鮓等物小便黃用五苓散調和服名茵陳五苓散能利大小便

陶節菴方名茵陳將軍湯多甘草厚朴黃芩枳實四味治足太陰脾經腹滿身自發黃小水不利大便實發渴或頭汗至頸而還脉來沉重者○加減槌法○大便自調者去大黃厚朴加大腹皮利小便清為効○水二鍾姜一片槌法加燈心一握煎之熱服

化癍湯 治傷寒汗吐下後癍發脉虛

人參 石羔 知母 甘草 守真加白朮

一方加玄參 水煎服

傷寒陽證發癍有四惟溫毒發癍至重紅赤為胃熱紫黑為胃爛一則下早一則下晚乃外感熱病發癍也以玄參升麻白虎等湯合服之

三黃巨勝湯陶節菴方治陽毒發班狂亂妄言大渴叫喊目赤脉數大便燥實不通上氣喘急舌卷囊縮難治者以此方劫之即三黃石羔湯內去麻黃香豉加大黃芒硝是也水二鍾姜一片棗二枚槌法臨服入泥漿清水二匙服如冲和靈寶湯陶節菴方治兩感傷寒起於頭痛惡寒發熱口燥舌乾以陽先受病多者以此湯探之中病即愈

羌活 防風 川芎 生地 細辛 黃芩

柴胡 甘草 乾姜 白芷 石羔

水二鍾煨姜三片棗二枚槌法入黑豈一撮煎之溫服取

微汗為愈如不愈表証多而甚急者方可用麻黃葛根為
解表如裡症多而甚者先以調胃承氣為攻裏是也如以
陰經直中病發熱下利身疼脉沉細無力不渴倦卧昏重
者又當先救裏溫之以回陽救急湯是分表裡寒熱而治
此其權變大法也古云兩感雖為死症猶有可救之理若
發表攻裏一誤則枉死者多矣可不慎哉

桃仁承氣湯陶節菴方治熱邪傳裡熱蓄膀胱其人如狂小
水自利大便黑小腹滿痛身目黃譫語燥渴為蓄血症脉
沉有力宜此湯下盡黑物則愈未服前而血自下者不暄

薤仁

桂枝

芒硝

大黃

芍藥

柴胡

青皮

當歸

甘草

枳實

水二鍾姜三片煎之臨服槌法入蘇木煎汁三匙調服

消斑青黛飲陶節菴方治熱邪傳裏裏實表虛血熱不散熱

氣乘於皮膚而為班也或本屬陽誤投熱藥或當下不下
或下後未解皆能致此不可發汗重令開泄更加班爛然
班與蚤迹相類發班多見於胸腹蚊迹只在于手足陽脉
洪大病人昏憤先紅後赤者班也脉不洪大病人自靜先
紅後黃者蚤迹也其或大便自利拂鬱氣短燥屎不通又
如果實齧者不治凡汗下不解耳聾煩悶咳嘔便是發班
之候

黃連

甘草

石羔

知母

柴胡

人參

犀角

青黛

玄參

山梔

生地

大便實者去人參加大黃水二鍾姜一片棗二枚煎之槌

法臨服入苦酒一匙服

生地芩連湯陶節菴方治鼻衄成流久不止或熱毒入深吐

血不止

黃芩

山梔

桔梗

甘草

生地

黃連

柴胡

川芎

芍藥

犀角

如無用升麻

外用劫法水紙札于鼻冲如去血過多錯語失神撮空閉

目不知人事者同法治之○水二鍾棗一枚煎至八分槌

法臨服入茅根搗汁磨京三調服如無茅根藕汁亦可

加味犀角地黄湯陶節菴方治煩燥漱水不下咽者屬上焦

有瘀血

犀角

芍藥

甘草

桔梗

陳皮

紅花

當歸

生地

丹皮

水二鍾姜三片煎之臨服槌法入藕節汁三匙温服

回陽反本湯陶節菴方治陰極發燥微渴面赤欲坐卧于泥

水井中脉来無力或脉全無欲絕者

熟附子

乾姜

甘草

人參

麥門冬

臘茶

陳皮

五味子

面戴陽者下虛也加葱七莖黃連少許用澄清泥漿水一
鍾煎之臨服入蜜五匙冷服取汗

溫膽湯 治傷寒氣脈不和食復勞復病症如初

半夏 枳實 橘紅 茯苓 甘草

每服四錢水鍾半姜七片棗二枚竹茹一團煎七分食前
熱服

柴胡百合湯 陶節菴方 治瘧後昏沉發熱渴而錯語失神及

百合勞復症

柴胡 人參 黃芩 甘草 知母 百合

陳皮 生地

加減槌法○渴加天花粉○胸中煩燥加山梔○微有頭

疼加羌活川芎○嘔吐入姜汗炒半夏○胸中飽悶加枳

壳桔梗○食復者加枳實黃連甚重大便實者加大黃○

胸中虛煩加竹茹竹葉○產後乾嘔錯語失神呻吟睡不

安者加黃連犀角○咳喘加杏仁百合再加麻黃○心中

驚悸為血少加當歸茯神遠志○虛汗加黃芪○脾倦加

白朮○腹如雷鳴加煨姜○勞復時熱不除加葶藶烏梅

姜汁○水二鍾棗一枚姜三片槌法醋煮斃甲煎之溫服

逍遙湯 陶節菴方 治瘧後血氣未平勞動助熱復還于經絡

因與婦人交接復發謂之勞復因交接淫慾無病人反得

病者謂之陰陽易子曾見舌出數寸而死者此症最難治

人參 知母 竹青 甘草 滑石 生地

菲根 柴胡 犀角

如卵縮腹痛倍加黃連○水二鍾棗二枚姜三片煎之槌法臨服入燒裨襠末一錢半調服有黏汗出為効無黏汗出再服以小水利陰頭痛即愈

燒裨散 治傷寒病新瘥因交接成陰陽易身重少氣小腹裡急引陰中拘挛熱上冲胸頭重不能舉眼中生花婦人則裏急連膈內痛

裨襠燒灰 男用女裨女用男裨近陰處者

水和服方寸匕小便利陰頭腫即愈

雙解散 防風通聖散合益元散是也 大黃芒硝麻黃三味對症旋入自利去大黃芒硝自汗去麻黃有因自汗利小便發汗後大便不通者此為津液內竭雖硬不可攻用蜜導及猪膽以通之

蜜導方 用蜜微火煎之稍凝似飴狀勿令焦可捻作挺令頭銳大如指長二寸許納穀道中良久則通

猪膽方 用大猪膽一枚取汁和醋少許灌穀道中一食頃即大利

如聖飲 陶節菴方 治剛柔二瘧頭搖口噤身反張手足挛搐

頭面赤項強急與瘰癧同治法

羌活 防風 川芎 白芷 柴胡 芍藥

甘草 當歸 烏藥 半夏 黃芩

有汗是柔痙加白朮桂枝○無汗是剛痙加麻黃蒼朮○
口噤咬牙者如大便實用大黃利之○水二鍾姜三片煎
之槌法臨服入姜汁竹瀝溫服

溫經益元湯陶節菴方治因汗後大虛頭眩振振欲擗地并
肉瞤筋惕及因發汗太多衛虛亡陽汗不止或下後利不
止身疼痛者并皆治之

熟地 人參 白朮 黃芪 甘草 陳皮

肉桂 白芍藥

飽悶加枳壳去地黃○瘦人去芍藥○有熱去肉桂○利
不止加炒白朮升麻陳壁泥去地黃○嘔加姜汁製半夏
渴加天花粉○汗後惡風寒屬表虛去肉桂地黃加桂枝
膠飴○水二鍾姜三片棗一枚槌法加糯米一撮煎之溫服

升陽散火湯陶節菴方治病入又手冒胸尋衣摸床譫語昏
沉不省人事俗醫誤認為風症殊不知汗熱乘于肺金元
氣虛不能自持名曰撮空証小便利者可治小便利不利者
不可治

人參 當歸 柴胡 芍藥 黃芩 甘草

白朮 麥門冬 陳皮 茯苓

有痰加姜汁炒半夏大便燥謔語發渴加大黃泄瀉加升麻炒白朮○水二鍾姜二片棗二枚槌法入金同煎熱服再造散陶節菴方治頭疼發熱項脊強惡寒無汗用發汗藥二三劑汗不出俗醫不識不論時令遂以麻黃重藥及火劫取汗不知陽虛不能作汗故有此症名曰無陽症

黃芪 人參 桂枝 甘草 熟附子 細辛

羌活 防風 川芎 煨生姜

夏月加黃芩石膏水二鍾棗二枚煎至一鍾槌法加炒芍藥一撮煎三沸溫服

黃龍湯陶節菴方治患心下硬痛下痢純清謔語發渴身熱俗醫但見下利便呼漏底傷寒使用熱藥止之誤人多矣不知此因熱邪傳裏胃中燥糞結實此利非內寒而利乃日逐自飲湯藥而利也宜急下之名結熱利症身有熱者宜用此湯身無熱者用六乙順氣湯

大黃 芒硝 枳實 厚朴 甘草 人參

當歸

年老氣虛者去芒硝○水二鍾姜二片棗二枚煎之槌法加桔梗一撮煎一沸熱服

調榮養衛湯陶節菴方治頭疼身熱惡寒微渴汗出身痛脚

腿酸疼無力沉倦脉空浮而無庸醫誤認為正傷寒而大發其汗輕反變重害人多矣不知勞力內傷氣血外感寒邪名曰勞力感寒症故經曰勞者溫之損者溫之溫能除大熱正此謂也有下症者大柴胡下之

人參 黃芪 當歸 生地 川芎 柴胡

陳皮 甘草 細辛 羌活 防風 白朮

元氣不足者加升麻少許至陰之下求其升提○口渴加天花粉知母○喘嗽加杏仁去升麻○汗不止加芍藥去升麻細辛○胸中煩熱加山梔竹茹○乾嘔加姜汁炒半夏○胸中飽悶加枳壳桔梗去生地甘草黃芪白朮少許

○痰盛加瓜蒌仁貝母去防風細辛○腹痛去芪朮加芍藥乾姜○因血鬱內傷有痛處或大便黑加桃仁紅花去芍辛羌防芪朮太甚者加大黃下盡瘀血即愈○水二鍾姜三片棗二枚槌法入葱白一莖煎之溫服

導赤各半湯陶節菴方治患傷寒後心下不硬腹中不滿大小便如常身無寒熱漸變神昏不語或睡中獨語一二句目赤唇焦舌乾不飲水稀粥與之則燕不與則不思形如醉人此熱傳手少陰心也心火上而逼肺所以神昏名越經症

黃連 黃芩 甘草 犀角 麥門冬 滑石

山梔 茯神 知母 人參

水二鍾姜棗煎槌法加燈心一握煎數沸熱服

益元湯陶節菴方治身熱頭疼全無不煩便作燥悶面赤飲

水不得入口俗醫認為熱症而用涼藥不知元氣虛弱是

無根虛火泛上名曰戴陽症

熟附子 甘草 乾姜 人參 五味子 黃連

知母 麥門冬 葱 艾

水二鍾姜棗煎臨服槌法入童便三匙頓冷服

桂苓散陶節菴方治初得病無熱譫語煩燥不安精采不與

人相當俗醫認為狂發誤用下藥死者多矣不知此因熱

結膀胱名曰如狂症

猪苓 澤瀉 桂枝 甘草 白朮 知母

黃栢 山梔 蘇葉

水二鍾姜三片煎至一鍾槌法加滑石末一錢煎三沸温

服取微汗

當歸活血湯陶節菴方治無頭痛無惡寒止身熱發渴小水

利大便黑口出無倫語庸醫認為熱症而用涼劑不知內

傳心脾二經使人昏迷沉重故名挾血如見崇症

當歸 赤芍藥 甘草 紅花 桂心 乾姜

枳壳 生地 人參 柴胡 菝仁泥

服三帖後去桃仁紅花乾姜桂心加白朮茯苓○水二鍾
姜一片煎之槌法入酒三匙調服

加味導痰湯陶節菴方治患憎寒壯熱頭痛昏沉迷悶上氣

喘急口出涎沫庸醫誤為傷寒不知此因內傷七情以致

痰迷心竅神不守舍舍空則生痰也名曰挾痰如鬼症

茯苓 半夏 南星 枳實 黃芩 白朮

陳皮 甘草 桔梗 黃連 瓜蒌仁 人參

年力壯盛者先用吐痰次服此方○水二鍾姜三片棗二

枚煎之臨服槌法入竹瀝姜汁溫服

減調中飲陶節菴方治食積類傷寒頭疼發熱惡寒口氣

緊盛但身不痛此為異耳經云飲食自倍腸胃乃傷輕則
消化重則吐下

蒼朮 厚朴 陳皮 甘草 白朮 山查

神麴 枳實 草果 黃連 乾姜

腹痛加桃仁痛甚大便實熱加大黃下之去山查草果神

麴乾姜○心中兀兀欲吐者與乾霍亂同吐法用滾水一

碗入鹽一撮皂莢末五分探吐○水二鍾姜一片煎之槌

法臨服入木香磨取汁調飲

加減續命湯陶節菴方治脚氣類傷寒頭疼身熱惡寒肢節

痛便秘嘔逆脚軟弱不能轉動但起于脚膝耳禁用補劑

及淋洗

防風

芍藥

白朮

川芎

防已

桂枝

甘草

麻黃

蒼朮

羌活

暑中三陽所患必熱脉来数去桂枝麻黃加黃芩黃栢柴胡○寒中三陰所患必冷脉来遲加附子○起于濕者脉来弱加牛膝木瓜○起於風者脉来浮加獨活○元氣虛加人參少許○大便秘加大黃○水二鍾棗二枚姜一片燈心二十莖煎之槌法入姜汁調温服
芩連消毒湯陶節菴方治天行大頭病發熱惡寒頭項腫痛脉洪作痰火治喉痺亦用此方

柴胡

甘草

桔梗

川芎

黃芩

荆芥

黃連

防風

羌活

枳壳

連翹

射干

白芷

先加大黃利去一二次後依本方去大黃加人

參當歸調理○水二鍾姜三片煎一鍾入鼠黏子一撮再

煎一沸槌法入竹瀝姜汁調服

六神通解散

陶節菴方

治時行三月後謂之晚發頭疼身熱

惡寒脉洪数先用冲和湯不愈後服此湯

麻黃

甘草

黃芩

石膏

滑石

蒼朮

川芎

羌活

細辛

水二鍾姜三片槌法入豆豉一撮葱白二莖煎之熱服

通真子救苦丹 治大人小兒感冒傷寒

麻黃 去根節淨洗晒乾四兩研極細末細末溫水浸用細布取汁餘查再搗再浸再取汁必要潔淨細膩為上

甘草 炙去皮淨研極細末四兩研極細末溫水兩涼水浸照前取汁

升麻 微炒一兩研極細末涼水浸取汁

雄黃 一兩五錢研極細水飛當歸身二兩研極細溫酒浸

人參 去蘆淨研極細末一兩柴胡去蘆研極細末一兩溫酒浸取汁

細辛 五錢研極細末溫水浸取汁

枳實 去心研極細末五錢溫酒浸取汁

春夏加石膏 五錢水飛 秋冬加桂皮 五錢研極細末溫水浸取汁

此藥體有厚薄味有清濁故用水溫涼而多寡不同各味浸汁濃醞精細共合一處陰乾醋糊丸桐子大每服一九

雄黃五分研極細新汲水半盞調雄黃連藥送下用厚被

蓋煖處香燒三寸汗出即愈重者二丸即効製藥用庚申

甲子日淨室中莫令婦人鷄犬見之

導引法先教病人盤脚而坐次用兩手交十指攀腦後風池

風府二穴乃是風門也向前叩首幾至于地如此連點一

百二十數急以葱醋粥辛辣湯投之汗出立解

瘟疫

眾人病一般者此乃天行時疾也冬溫為病非其時而有

其氣也當閉藏而反發泄于外宜補藥帶表左手脉大於右

手浮緩而盛按之無力

人中黃 大治疫毒亦治食積痰熱降陰火

冬月以竹筒兩頭留一節作一竅納甘草於其中仍以木屑塞閉其竅置糞缸中浸一月取出晒乾為末飯丸豈大服十五丸

又方

大黃酒蒸 黃芩 黃連 人參 桔梗 蒼朮

防風 滑石 香附 人中黃

右為細末神曲糊丸每服五七十丸氣虛四君子湯血虛四物湯痰多二陳湯送下熱甚加童便大頭溫加羌活去滑石

九味羌活湯 方見傷寒門

藿香正氣散 方見傷寒門

治時病方

半夏 川芎 茯苓 陳皮 山查 白朮

蒼朮 甘草 姜水煎服○頭痛加酒芩○口渴加

乾葛○身痛加羌活薄荷防風芍藥

蝦蟇溫又名大小腮傷寒又名大頭病

用側柏葉自然汁調蚯蚓糞燒付或丁香尖附子尖南星醋磨付或五葉藤汁付或車前草汁服

紫金錠 治四時瘟疫并陰陽二毒傷寒心悶狂言亂語胸

隔壅滯邪毒未發薄荷一小葉研下甚効

人參敗毒散 方見傷寒門

活人書中云治四時疫癘余平生以濟人常無虛日蓋四時不正之氣冬當寒而反熱夏當熱而反寒春宜溫而反涼秋宜涼而反溫故病者大小無異大抵使人痰涎風壅煩熱頭疼身痛或飲食如常起居依舊甚至聲啞市井號為浪子以其咳聲不嚮續續相連儼如蛙鳴故又號蝦蟆瘟或至赤眼口瘡大小顛喉閉風壅噴嚏涕唾稠粘里域皆同者並治之去赤茯苓桔梗加青皮白朮者名清氣散治法並同但以荊芥穗為引子不用生姜薄荷敗毒散中須加乾葛為妙多服未効而有寒熱往來不常者必用小柴胡湯不拘服數並無過失大便秘并口鼻出血痰涕者加黃芩大黃同法煎服

治大頭病熱喉痺歌

人間治疫有仙方 一兩僵蚕二大黃

姜汁為丸如彈子 井花調服便清涼

金濟消毒飲 治天行大頭病面暴腫害人甚速互相傳染不救

黃芩 黃連 各半 人參 三錢 橘皮 二錢 生甘草 二錢五分

白僵蚕 七錢炒 連翹 黍粘子 板藍根

馬勃 一升 麻 七分 柴胡 五分 桔梗 三分

水煎服或加防風薄荷芎歸

瘟疫不相傳染方

赤小豆以新布盛入井中浸二日舉家各服二十一粒

凡人疫癘之家以麻油塗鼻孔中然後入病家則不相傳染

既出或以紙撚探鼻深入令嚏之為佳

山嵐瘴氣

神木散

陳皮 八兩 蒼朮

厚朴 各四兩 甘草

石菖蒲 各二兩

藿香 每服四錢加姜棗煎服一方用香附三兩炒代

菖蒲名神木散氣散

紫金錠 治山嵐瘴氣并嶺南兩廣毒蠱若從宦於此纔覺

意思不快即服一錠或吐或利随手便瘥

暑 附注夏

暑脉虚而微弱按之無力又脉来隱伏弦細孔遲皆為暑脉

黃連香薷飲 治傷暑或作腹痛或惡心或吐或瀉等証

香薷 四錢 厚朴 煨汁 白扁豆 錢二 甘草 一錢 黃連 二錢

水四鍾煎二鍾去粗浸冷徐徐服之挾痰加半夏南星虛

加參芪

十味香薷飲 治人平素元氣虛弱更臨夏月暑氣侵胃所

致肢體倦軟精神疲困脾胃不和飲食不甘

香薷 人參 陳皮 白朮 黃芪

白扁豆 甘草炙 厚朴姜製 乾木瓜 白茯苓

水二鍾煎八分通口服

清暑益氣湯 治長夏濕熱蒸人四肢困倦精神減少懶于

動作胸滿氣促肢節疼痛或氣高而喘身熱而煩心下膨

悶小便黃而數大便溏而頻或痢或渴不思飲食自汗虛

黃芪 蒼朮泔水製炒 升麻各一錢 人參 白朮 神曲

陳皮 澤瀉各五分 甘草 酒栢 麥門冬各三分

葛根二分 當歸三分 五味子九粒 青皮二分

水二鍾煎一鍾食遠溫服

益元散 治中暑身熱小便不利此藥性涼除胃腕積熱又

淡能滲濕故利小便而散濕熱也

滑石六兩水飛 甘草一兩另研

右和勻每服三五錢新汲水調服

生脉散 止渴生津

人參 麥門冬心去 五味子各等分 水煎服

六和湯 治心脾不調氣不升降霍亂轉筋嘔吐泄瀉寒熱

交作痰喘咳嗽胸膈痞滿頭目昏痛肢體浮腫嗜卧倦怠

小便赤澁并傷寒陰陽不分冒暑伏熱煩悶或成痢疾中

酒煩渴畏食婦人胎產中亦可服

確砂仁 半夏 杏仁 人參 甘草 木瓜

白木 赤茯苓 藿香葉 白扁豆 厚朴

水二鍾姜三片棗一枚煎一鍾溫服

代茶湯 夏月服之以代茶健脾止渴

白木 錢半 麥門冬 去心一錢 煎作湯代茶服

又方 治中暑迷悶

取蒜研爛熱湯灌之立愈或用連皮生姜一大塊研爛熱湯灌下亦甦卒急不得熱湯以冷水研搗亦可

中暑死者不可令冷冷即死用溫湯常摩洗其心腹間如

路途急切用路上熱土鋪腹臍間令人更尿其臍中即活

治注夏屬陰虛元氣不足夏初春末頭疼脚軟食少體熱是

黃芪 人參 白木 甘草 陳皮 當歸

芍藥 黃栢炒

水二鍾煎八分空心溫服挾痰加半夏姜汁或加麥門冬

五味子

夏月汗出惡寒身熱而渴者中暈也白虎加人參湯方見傷寒門

發熱惡寒身重疼痛小便澀灑然毛聳手足逆冷少有勞身

即熱口開前板齒燥脉弦細虛遲表裏中暈也用補中益

氣湯加香薷扁豆有熱加黃芩

濕

有自外入者有自內得者陰雨濕地皆從外入治宜汗散久則踈通滲泄之食生冷濕麵澆酪或飲酒其症腫滿皆自內出宜實中淡味滲泄利小便其脉沉而細其自下起腿重并脚氣者亦當汗散

加味二陳湯 治諸濕

陳皮 半夏 茯苓 甘草 酒苓 羌活

蒼朮 姜水煎服○濕在上倍加蒼朮濕在下加升麻

內濕加猪苓澤瀉中焦濕與痛熱加黃連有實熱者亦用之肥白人因濕沉困怠惰是氣虛加二朮人參黑瘦人沉

困怠惰是濕熱加白朮黃芩炒芍藥

除濕湯 治寒濕所傷身體重著腰脚酸疼大便溏泄小便

或澁或利

半夏麴 厚朴 蒼朮 藿香葉 陳皮 甘草

白朮 白茯苓

水二鍾姜七片棗一枚煎八分通口食前服

五苓散 治脾胃有濕小便赤大便澹瀉

澤瀉 猪苓 白朮 茯苓 肉桂 水煎服

羌活勝濕湯 即痛風門通氣防風湯治風濕甚効

薏苡仁粥 薏苡仁和米煮粥常食之去濕極効功勝諸藥

四製栢朮丸 滋陰降火開胃進食盡除周身之濕

黃栢去皮淨四斤一斤酥炙十三次一斤乳汁浸十三次

無油蒼朮去皮淨一斤川椒炒四兩破故紙炒四兩五味子炒四兩兩川芎炒四兩

右去四味同炒之藥止用蒼朮黃栢為末煉蜜丸桐子大

每服三十九早酒下午茶下晚白湯下

山精丸 健脾去濕息火消痰

蒼朮三斤先用米泔浸三日竹刀刮去粗皮陰乾用

桑椹子斗許取汁去查將蒼朮浸入汁內令透取出晒乾如是者九次用木杵搗為細末聽用

枸杞子一斤 地骨皮一斤

右俱研為細末與蒼朮末一併和勻煉蜜丸彈子大每服

一九或二九白湯下

黃芪防已湯 治風濕相搏一身盡痛或汁出惡風

防已一兩甘草炙半兩白朮七錢黃芪一兩一錢

每服一兩入姜棗煎

霍亂

內有所積外有所感陽不升陰不降乖隔而成皆因飲食脉來伏或絕切勿與穀食米湯飲之必待吐瀉過一二時饑甚方可與之食

理中湯 加生姜治霍亂不渴方見傷寒門

五苓散 治霍亂作渴方見濕門

六和湯 治霍亂方見暑門

藿苓散 治霍亂吐瀉齊作

藿香 厚朴 陳皮 甘草 半夏 白朮

茯苓 澤瀉 猪苓

姜五片水二鍾煎八分通口服

治吐瀉不進藥

用胡椒菜豆各四十九粒研碎水煎服渴甚新汲水服

回生散 治霍亂吐瀉但一點胃氣存者服之回生

陳皮去白藿香去土每服一兩水二鍾煎一鍾溫服不拘

治乾霍亂急將病人腿腕橫紋上蘸溫水拍打見有紫血脉

以針或磁鋒刺出紫血即愈

華陀危病方 治霍亂吐瀉

其證始因飲冷或冒寒或失饑或大怒或乘舟車傷動胃氣令人上吐吐不止令人下瀉吐瀉併作遂成霍亂頭旋眼暈手脚轉筋四肢逆冷用藥遲緩須臾不救

吳茱萸 木瓜 食鹽各五錢

右三味同炒焦用磁罐盛水三升煮令百沸却入前藥同

煎至一二升已下傾一盞隨病人意冷熱服之藥入即醒

如倉卒無藥用枯白礬末每服一錢用百沸湯調服如無

白礬只用鹽一撮醋一盞同煎八分溫服或鹽梅醎酸皆

可煮服

陰陽湯 治霍亂腹痛之甚用水一碗將一半煎滾一半冷水相合喫之甚効

紫金錠 以薄荷湯磨服一二錠亦効

鹽熨法 治霍亂吐瀉心腹作痛用炒鹽二碗布包頓其背
前并腹肚上用熨斗火熨氣透又以炒鹽熨其背則十分無事

治傷暑霍亂吐瀉者入口即活

白梅一箇取仁肉去核將絲瓜葉同搗爛如泥并華水調
治轉筋法 男子以手挽其陰女子以手牽其乳近兩邊此

妙法也○一方四物湯加酒芩紅花蒼朮南星煎服

乾霍亂 忽然心腹脹悶刺痛欲吐不吐欲利不利者是也
以二陳湯探吐之

治乾霍亂不得吐者用滾湯一碗入皂莢末三分鹽一撮調
服探吐莫與米湯飲之即死蓋穀氣反助邪氣也

乾霍亂痛不可忍者急用鹽一兩熱湯調灌入口中鹽氣到
腹即定又將石沙炒令赤色冷水淬之良久澄清水一二
合服

灸法 治霍亂已死腹中有煖氣者鹽納臍中灸七壯

又法霍亂吐瀉灸中腕七壯氣海七壯

洗法 治霍亂轉筋蓼一把去兩頭水煮薰洗如一時無蓼以鹽代之

瀉

泄瀉有濕有火有氣虛有痰積

胃苓湯 治感暑夾食泄瀉煩渴

蒼朮淋浸炒 陳皮 厚朴姜製炒 甘草炙 白朮炒 茯苓

猪苓 澤瀉各一錢 肉桂 水煎入鹽少許溫服

四神丸 治脾胃虛弱大便不實飲食不思或泄痢腹痛等

症無治腎泄清晨溏泄一二次經年不止者

破故紙四兩浸炒 吳茱萸一兩炒 肉苳蔻二兩包煨 五味子二兩

右為末用生姜八兩切片同棗一百枚煮爛去姜取棗肉為丸桐子大每服一錢五分淡鹽湯送下

固腸丸 治水瀉不止

椿根白皮炒為末阿膠水和為丸桐子大每服百丸空心米飲下

治男婦年老氣虛脾弱頻瀉不止

人參 白芍 酒炒 白朮 炒 茯苓 甘草炙 陳皮

肉苳蔻 麵包煨 乾姜 濕紙包煨

右等分為末煉蜜丸如彈子大每服一九米湯下或作煎藥服亦可

治濕泄瀉凡水瀉腹不痛者是也

猪苓 澤瀉 白朮 蒼朮 赤茯苓

右各等分水煎服

治火泄瀉腹痛瀉水腸鳴痛一陣瀉一陣者是也

猪苓 澤瀉 白朮 蒼朮 赤茯苓 黃芩

右水煎服

治食積泄瀉痛甚而瀉瀉後痛減者是也

陳皮 半夏 茯苓 甘草 澤瀉 山查

厚朴姜製炒 蒼朮泔浸炒 神麴炒

水二鍾姜三片煎八分通口服一方神麴大黃作丸下之

治虛瀉飲食入胃不佳完穀不化者是也

人參 白朮 芍藥炒 升麻 甘草

白茯苓 水煎服

治痰積泄瀉或瀉或不瀉或多或少者是也

海粉 青黛 黃芩

右為細末神麴糊丸桐子大每服二三十丸淡姜湯下

治脾泄瀉五更時候瀉者是也即啓脾丸小兒常服最妙

人參 白朮 茯苓 山藥 蓮肉各一兩 山查

甘草 陳皮 澤瀉各五錢

右為細末煉蜜丸彈子大每服一九空心米湯下

一方用炒白朮四兩炒神麩三兩炒芍藥三兩半寒月加肉苳蔻用粥丸服

治冷瀉腹痛而瀉以熱手按之覺緩止者是也

白朮

猪苓

茯苓

各兩

肉桂

一兩

澤瀉

芍藥

炒

陳皮

甘草

炙

乾姜

炮

右為細末煉蜜丸彈子大每服一九空心米湯下或作劑服亦可

治感寒停食腹脹腹痛泄瀉嘔吐等症

蒼朮

炒

厚朴

姜汁

陳皮

各三兩

甘草

炙

砂仁

一兩

五錢

香附

炒

兩

藿香

去土

茯苓

去皮

山查

淨肉

枳實

炒

右為細末姜湯調空心服

益元散

治暑瀉

方見暑門

治瀉神方

滑石

水飛過

夏月每滑石二兩五錢加肉苳蔻一兩冬月

滑石一兩五錢加肉苳蔻一兩春與冬同秋與夏同肉苳

蔻用麵包煨過去麵用神麩糊為丸桐子大每服百丸米

湯下

劉草窓

治痛瀉要方

白朮

炒

兩

白芍藥

炒

兩

陳皮

一兩

防風

一兩

右剉八服水煎或丸服久瀉加升麻六錢

治暴瀉不止小便不通

用車前子炒為末每服二錢米飲調下其根葉亦可搗汁服此藥利水道而不動元氣

五味子散 治人到五更初臍下絞痛瀉瀉一次乃名腎泄感陰氣而然也

五味子 二兩 吳茱萸 半兩

右二味炒香熟為細末每服二錢陳米飲下

治水瀉

老姜三兩搗碎水三鍾煎一鍾半加沙糖二兩以滾湯沖入濾去渣通口服

清六丸 治瀉兼血痢

六一散 一兩 紅麴 五錢

右蒸餅為丸去紅麴加乾姜或生姜汁名温六丸治瀉無嘔吐

藿香正氣散 治感濕泄瀉方見寒門

治久瀉不止

乾姜 煨七錢 肉桂 四錢 白朮 炒一兩 木香 三錢 肉菓 煨五錢

訶子 煨五錢 人參 三錢 厚朴 姜汁炒五錢 黃連 姜汁炒三錢

神麴糊為丸米湯下

實腸丸 治瀉不止

厚朴姜汁炒七錢 砂仁七錢 訶子煨五錢 木香三錢

蒼朮炒 白朮炒 陳皮 赤茯苓各一兩

粉草三錢

米糊丸米飲服

補中丸 治滑泄不止

龍骨五錢 白芷三錢 肉果三錢 乾姜煨五錢 砂仁三錢

川椒去目煨三錢 破故紙炒五錢

神麩糊丸米飲服

升陽除濕湯 治脾胃虛弱不思飲食腸鳴腹痛泄瀉無度

小便黃色四肢困弱

升麻 柴胡 防風 神麩 澤瀉 猪苓

各五錢 蒼朮一兩 陳皮 甘草炙 麥芽麩各三錢

右作十服水煎飯後熱服胃寒腸鳴加益智仁半夏各半

兩姜棗煎服非腸鳴不用

四製香附丸 治婦人久瀉諸病通治方見婦人門

治酒積肚瀉

凡人過飲酒傷脾胃以致泄瀉不止諸藥不效者取金櫻

子根酒煎服

大已寒丸 治寒瀉甚者方見中寒門

治積傷於酒每辰起必瀉宜理中湯加乾葛方見傷寒門

白朮理中湯 治臟中積冷立夏後瀉泄時作或小腹疼痛

茯苓 白朮 甘草 乾姜

右等分每服三四錢水煎服寒甚加附子腹痛加芍藥腎氣動去朮加桂

七味豆蔻丸 治脾腎俱虛瀉不止 此藥暫用止即調理

赤石脂 煨一兩 枯礬 五錢 丁香 三錢 砂仁 七錢 肉菓

煨八錢 龍骨 煨五錢 訶子 煨一兩

醋糊丸空心米飲下

椒肉丸 治脾泄水瀉便紅下血等疾久痢先行後依此藥補之神効

用健猪肚一箇去油淨入大蒜成滿線縫住仍用陰水

碗陽水七碗先將水燒滾下肚煮得水乾為度杵爛聽用

後加藥四味

蒼朮 淨末 厚朴 淨末 陳皮 淨末 各五兩 川椒 淨末 二兩

俱入前肚內又杵二三百下肚若無絲方可用丸桐子大每服二錢空心白湯下

治脾泄方

白朮 一兩 白茯苓 八錢 人參 甘草 各二錢 砂仁 二錢

蓮肉 四兩 泡去皮心 廣木香 二錢

右為末以陳糯米一升炒熟為末拌勻空心或蜜或沙糖

湯調服雖經年久者半料即愈

灸法

腹中寒痛泄瀉不止灸中脘一穴天樞二穴關元一穴三陰交二穴各七壯○臍痛溇瀉或男婦泄利日久水腫膨脹腸中雷鳴與小兒奶利不絕者俱灸臍中神關三七壯即愈○又一人年五十左手無力亦灸此穴百壯而力頓生○老人虛人久泄不止灸臍中五七壯又灸臍下三寸關元穴三十壯○久瀉脫肛灸百會穴數十壯即愈又有洞泄寒中一症灸分水穴百餘壯

痢

初得一二日元氣未虛必推蕩之此通用之法脉沉小者易治洪大數者難治

小承氣湯 治痢初發積氣甚盛腹痛難忍或作脹悶裏急後重數至圓而不能通窘迫之甚

大黃三錢 厚朴二錢 枳實一錢半

水煎溫服以利為度未利再服鬱積通徹之後隨症調治凡痢五日後不宜下恐胃氣虛也

朴黃丸 治痢神効

大黃十兩水洗净置砂鍋內用酒熬三晝夜成膏 厚朴法坡姜木香一兩

檳榔一兩

為末入大黃膏內九桐子大每服二錢輕者一錢白痢姜湯下赤痢白湯下幼兒不能吞者調服

治身熱挾外感下痢不惡寒小柴胡湯去參

胃苓湯 治暴痢赤白相雜腹痛裏急後重

厚朴姜炒

蒼朮

淇浸炒 澤瀉

茯苓

猪苓各八分

陳皮

甘草炙

白朮

黃連

各一錢

木香

三分

檳榔五分

水二鍾煎八分通口服

治痢初發用生姜五錢細茶一兩水二鍾煎一鍾服立愈

痢疾膏藥

大附子

硫黃

各四兩

乳香

沒藥

各六錢

射香六分

俱為細末松香四斤熬清傾地上一日取起每麻油一斤煎用槐枝攪滴水成珠入松香四斤化開稍冷入煎藥末和勻貼臍上水瀉亦治

治赤痢

生地

黃栢

芍藥

地榆

白朮各等

水煎服如腹痛加枳壳厚朴後重加滑石木香檳榔有熱加黃芩山梔腹痛甚加沒藥

黃芩芍藥湯 亦治赤痢

黃芩

芍藥

各一兩

甘草五錢

水煎服

治白痢

蒼朮

炒

白朮

神麩

茯苓

甘草炙

樗皮

水煎服如腹痛加枳殼厚朴後重加木香檳榔

治初覺肚腹積滯似痢之狀及飲食傷脾悶鬱脹滿不快者

檳榔一兩 白芍藥五錢

水二鍾煎八分空心服渣再煎候行一二次即愈

保和丸 治食積痢方見積食門

當歸導氣湯 治濃血痢無度腹中痛

當歸

芍藥

各一錢

甘草半錢

青皮七錢

槐花七分

生地黄酒洗陰乾二錢

水二鍾煎八分去渣溫服後重加木香檳榔末各三分

瀉五分如小便利去澤瀉

升陽除濕湯 加木香治痢如魚凍者最妙方見瀉門

胃風湯 治風入腸胃作痢或白或赤或如莖汁或痢久人

弱脉虚色如塵腐將危者亦能救治

人參

白朮

茯苓

川芎

芍藥

當歸

羌活

防風

黍米

水二鍾煎八分通口服一方有桂無羌活防風腹痛甚加

木香

加味四物湯 治下痢純血久不愈屬陰虛

川芎

當歸

芍藥

生地

槐花

黃連

桃仁 水煎服

治久痢

石蓮肉 白朮 陳米 鍋內炒焦 為末白湯調服

治氣血虛而痢者用四物湯加人參白朮陳皮黃連黃芩阿膠以補之痢自止

治噤口痢用人參二錢黃連一錢姜濃煎細細呷之但一下咽即開

又方引熱下行用田螺肉搗碎入麝香少許納臍內

又方用敗毒散加陳倉米一撮石蓮肉七枚煎服

加味香連丸

黃連 二兩一半 芒硝水炒 姜汁炒一半

木香 大黃 酒蒸九次

青皮 炒 枳壳 炒 黃芩 炒各一兩 白芍 二兩 酒炒 甘草 五錢

姜汁神麩糊為丸桐子大每服七八十九空心服赤痢用

苦茶白痢用姜湯下

又方 黃連 酒炒 厚朴 姜汁炒各一兩 木香 五錢

為極細末白湯調服

香連丸 治冷熱不調下痢赤白膿血相雜裏急後重

黃連 二十兩 同炒 赤色去 芩莖十兩 木香 四兩 八錢

為末醋糊丸桐子大每服三十九空心米飲下

四味香連丸 治痢疾初發三五日不問赤白每日二服有

積自行無積自止

黃連

十兩

木香

二兩

大黃

四兩

檳榔

一兩

為細末陳麪糊丸菘豆大每服七十九空心米飲下

香橘餅

治赤白濃血痢疾小腹疼痛裏急後重日夜無度

或禁口不食脾虛脫肛等症及傷食受寒腹痛腹瀉俱効

方見小兒痢門

一麟丸

治痢疾神効驗過

方見小兒痢疾門

紫金錠

赤痢凉水磨下白痢姜湯磨下痢純血垂死者以

水磨服即愈

茱蓮丸 赤白痢分治

吳茱萸

揀淨

黃連

去鬚各等分

右為一處以好酒浸透取出各自揀焙或晒乾為末糊丸

桐子大赤痢用黃連丸三十粒甘草湯下白痢用茱萸丸

三十粒乾姜湯下赤白痢各用三十粒合併甘草乾姜湯

鳳尾草方 治痢神効

鳳尾草

温州者佳如無生竹林中與井邊者亦可

老倉米 一勺

老姜

帶皮三片白痢五片

葱白 連鬚三根白痢五根

水三大碗煎至一碗去渣入好燒酒小半盞蜜三匙乘熱

服一小盞移時再服以一日服盡為度忌生冷及酸味煎

炒米麵等物此藥紅白痢久近及泄瀉老幼男婦通治之

其効如神危症者二服有起死回生之功

劉草窓 治虛弱痢方

人參三錢 白朮二錢半 白茯苓二錢 芍藥炒錢半 神麴炒七分
升麻五分 蒼朮一錢

右作一服水煎後重加木香三分檳榔七分黃連炒七分
澤瀉六分甘草五分炙防風一錢酒當歸一錢滑石炒五分
灸法

裏急後重泄瀉灸下脘一穴七壯在臍上 天樞二穴七壯
治痢十法

惡寒發熱身首俱痛此為表在宜微汗和解用蒼朮川芎

陳皮芍藥甘草生姜三片煎○腹痛後重小便短下積此
為裏症宜和中踈氣用炒枳殼製厚朴芍藥陳皮滑石甘
草煎○下墜異常積中有紫黑血而又痛甚此為死血症
用檮細桃仁滑石行之或口渴及大便口燥辣是名挾熱
加黃芩或口不渴身不熱喜熱手熨是名挾寒加姜桂或
下墜在血泄之後此氣滯宜于前藥加檳榔一枚或在下
則纏住在上則嘔食此為毒積未化胃氣未平當認其寒
則溫之熱則清之虛則用參朮補之毒解積下食自進或
力倦自覺氣少懶食此為挾虛宜加白朮當歸身尾甚者
加人參又十分重者止用此一條加陳皮補之虛回而痢

自止○或氣行血和積少但虛坐努積此為無血倍用當
歸身尾却以生芍藥生地黃而以桃仁佐之復以陳皮和
之血生自安○或纏墜退減十之七八積穢已盡糟粕未
實當用炒芍藥炒白朮炙甘草陳皮茯苓煎湯下固腸丸
三十粒然固腸丸性燥恐尚有滯氣未盡行者但當單飲
此湯固腸丸未宜遽用○或痢後糟粕未實或食粥稍多
或饑甚方食腹中作痛以白朮陳皮各半煎湯和之自安
○或久痢後體虛氣弱滑下不止又當以藥澁之用訶子
肉荳蔻白礬半夏甚者添牡蠣然須以陳皮為佐恐大澁
亦能作痛又甚者灸天樞氣海○前方用厚朴瀉滯凝之

氣然厚朴性大溫而散久服大能虛人滯氣稍行即去之
餘滯未盡則用炒枳殼陳皮然枳殼亦能耗氣比之厚朴
稍緩比陳皮稍重滯氣稍退亦當去之只用陳皮以和衆
藥然陳皮去白有補瀉之兼若為參朮之佐亦純作補藥
用○凡痢疾腹痛必以白芍藥甘草為君當歸白朮為佐
惡寒痛者加桂惡熱痛者加黃芩達者更能參以歲氣時
令用藥萬舉萬全豈在執一而已哉